

中 山 西 太 原 省
醫 改 進 研 究 會

民國十一年八月

中華郵政特准掛號
新聞紙類

醫學雜誌

第八册

南京圖書館藏

本雜誌啟事

凡訂閱本雜誌者望先寄費空函訂購恕不作覆

代派本雜誌辦法

- (一) 凡個人或團體代派本雜誌十份者贈閱一份二十份贈閱二份以上類推
- (二) 凡代派本雜誌須先繳費一半餘按期遞繳若到期未清恕不續寄
- (三) 凡願代派本雜誌者須有妥實介紹人

編輯處啟事

啟者古今醫案充棟汗牛竊謂案者法也老吏斷獄鐵案如山熟於法耳若平無奇或以病試藥僥倖獲效者似未可以案稱本雜誌醫案門所載多選古人精粹良泐畧別種類及台而觀之復生奈願與其舉一二以例其餘何若集羣力以成鉅製凡我同人熟於前輩醫案醫界舊聞名醫歷史筆記瑣錄之類望祈抄示俾便分登他日彙刊單行本出版舉以奉酬想

諸君子必樂於贊成也

編百城
總意空 謹啟

醫學雜誌第八册

目錄

附設醫院 六月分中西醫診治人數

表

論說門

釋骨 續第七期

白血輪即衛氣之商榷

壽守型

中焦受氣

取汗變化而赤
是為血之研究

魏宗岱

陽絡傷血

外溢陰絡傷血
內溢之疏證

盧賄鍾

傷寒與溫症治法大別

王煥

傷寒惡寒中風惡風辨

陳杰

汗多亡陽又龍亡陰說

張國華

續本册目錄

論結胸痞氣藏結

秦之濟

內傷外感源異流同論

時逸人

肺病論 續第七期

葛蔭春

小兒起風之臆說

程際雲

纂述門

生理類

中國生理

教科書弁言目
錄一課至三課

衛生類

論夏令衛生之要點


楊百城
趙意空

診治類

韓夫爵診病六法式

楊百城
趙意空

試法



灸十二種骨蒸法

(關於治療各稿彙登)

研究痢症及方法

論治痢

疫痢之研究

大頭瘟治法之研究

大頭瘟外治法

瘡疾之研究

多年鼻塞之治法

目生雲翳之治法

寒燥津涸之療治

春雪後喉病之治法

張忠卿

張錫純

喬尙謙

程 哲

喬尙謙

陰毓龍

楊燧熙

前 人

宋心谷

錢祖繩

爛喉治法不同說

外風內風 中風 諸因論治

中風

藥物類

六氣用藥

方劑類

處方法

醫案門

關於心理之療治法 三則

關於真寒假熱之證治 三則

報告門

徐溝 兩縣報告發生時症

陸培初

胡天宗

楊永超

楊百城

平遙縣報告監獄發生黃病

襄陵縣報告發生疫瘡

通訊門

劉筱雲先生致本會書

附民國二年神州醫藥總會請願書

周筱農先生致本會第二書

時逸人先生致本會書

張龍之先生致本會書

張叔彭先生致本會書

譯叢門

麻醉術

楊永超

雜俎門 十二則

星期徵稿選刊

大熱大渴大汗不止而脈實急長大

按之不減者邪實也宜白虎湯體

弱加人參若外証雖同而脈虛大

按之輒散者宜如何治法辨 張汝濟

仲景脈法寸口多與跌陽合診試詳

言其意義並引証以明之薛復初

針灸討論會治法選刊

黃痺症

張錦榮

本會增聘名譽理事

第 四 期 目 錄

四


姓名	行號	籍貫	履歷	通處
王敬銘	文階	河南羅山縣	任用野知事前武昌醫校針灸教習	本會附設醫專校針灸教習
劉純熙	希文	奉天	高等畢業	山東平縣勝水第五學區黃疇村
張雲翔	龍之	安徽無為	軍醫長	鎮江

外埠介紹會員錄

王經鋤 浙江嘉興中興街口鎮義春堂
 徐聖三 浙江嘉興中興街口鎮義春堂
 諸樂如 浙江嘉興中興街口鎮義春堂
 河崑三 浙江嘉興中興街口鎮義春堂
 廣樂如 浙江嘉興中興街口鎮義春堂
 徐文祥 浙江嘉興中興街口鎮義春堂
 楊育祥 浙江嘉興中興街口鎮義春堂
 許素全 浙江嘉興中興街口鎮義春堂
 周山素 浙江嘉興中興街口鎮義春堂
 蔡澤山 浙江嘉興中興街口鎮義春堂
 黃保民 浙江嘉興中興街口鎮義春堂
 金雲民 浙江嘉興中興街口鎮義春堂

宋棟嘉 浙江嘉興中興街口鎮義春堂
 葉泰熾 浙江嘉興中興街口鎮義春堂
 朱庚生 浙江嘉興中興街口鎮義春堂
 張燕謨 浙江嘉興中興街口鎮義春堂
 楊厚卿 浙江嘉興中興街口鎮義春堂
 吳東明 浙江嘉興中興街口鎮義春堂
 梁子和 浙江嘉興中興街口鎮義春堂
 許谷和 浙江嘉興中興街口鎮義春堂
 宋谷和 浙江嘉興中興街口鎮義春堂
 陸培福 浙江嘉興中興街口鎮義春堂

中醫改進研究會附設醫院
五月份中西醫逐日診治人數比較表



論說門

釋骨 續第七期

末節曰尻骨曰骶骨。一作計骶恐文倒曰脊。骶曰尾。骶亦曰骶。曰尾屈曰櫛骨。曰窮骨。其骨之扁戾者曰扁骨。○俠脊骨第一節至十二節環而前斜者二十四條。皆曰肋。就左右言婦人則二十八條。其在腋下而後乳三寸者曰肱。肱骨五左曰左肱。右曰右肱。其抱胸過乳而兩端相直者曰膺中骨也。氣府論云膺中骨間各一王注云膺中骨陷中各一王注謂腋中骨當七矣。蓋乳上五乳下二也。其在膺中骨之下及肱外者曰脅骨。曰脅。肋。肱。及膺中骨之在乳下者亦通曰脅。至真要大論注云脅謂乳之下及肱外也。脅骨短之而在下者曰櫛肋。三其最短俠脊者曰季肋。其櫛肋之第三條曰季脅。凡脅骨之端通曰脅。支亦曰支。脅支端之相交者曰骹。張景岳以脅下之字誤膺中骨之上自結喉下四寸至肩端前橫而大者曰巨骨。其半環中斷者曰缺盆骨。在肩者曰肩。上

醫

學

雜

誌

橫骨。在肩端曰髀骨。師傳篇云五藏六府心為之主缺盆為之道髀骨有餘以候
蔽心之骨而缺盆即心藏之道髀骨之上為膺中陷骨缺盆骨之旁為肩端骨膺中
陷骨之於缺盆骨髀骨之於肩端骨其長短皆各相應故必用肩端骨候髀骨也然
則髀骨之為肩端骨信矣舊說以髀骨為髀骨之端則與上文不
貫且髀骨甚小不須更以端候至有以髀骨作髀骨訓為臑骨尤誤 髀骨之起者曰
髀骨曰肩。前髀微起者曰小髀骨。小髀骨之前歧出者曰肩端。上行兩義骨缺盆
外伏頸旁壅肉下者曰恣骨。曰缺盆外骨。其骨即肋骨之第一條也。肩後橫骨曰
大骨。其在旁者曰曲。腋上骨曰肩。臑後大骨具成片被肩垂背者曰肩甲。亦作押
經脈篇所云別下貫押者 肩。膊亦曰膊骨。甲之在上屈折者曰肩。曲甲其近小髀骨
脾乃脾字之誤字故不列 曰肩。膊。亦曰膊骨。甲之在上屈折者曰肩。曲甲其近小髀骨
者曰肩。中央曲甲當膺骨兩端中陷下者曰膺中陷骨。陷骨下蔽心者曰髀。髀曰
鳩尾。曰蔽心骨。曰臑前蔽骨。○髀筋直下橫兩股間者曰橫骨。曰股際骨。其中
兩垂而壓陰器者曰曲骨。陰器之後繞髓腸而綴臑端者曰陰尾骨。臑之上俠脊
十七節至二十節起骨曰腰。髀骨曰兩髀。其旁臨兩股者曰監骨。曰大骨。曰髀。一
身之伸屈司焉。故通曰機關。關之旁曰髀。樞亦曰樞。機者。髀骨之入樞者也。○自

肩兩旁而下在肘以上者曰髀骨。肩與髀之會於前廉者曰肩端。兩骨其會於後

者曰肩曲甲。下兩骨髀者大臂也。在肘以下者曰臂骨。臂骨二。上曰上骨。則下曰

下骨也。其在肘者曰肘骨。曰肘大骨。曰肘外大骨。木肱骨甲乙經所云肘內之大骨者內乃外之訛字故不列其

內微起者曰肘內銳骨。橈骨合其大者銳者曰肘內側兩骨。肘大骨之上兩起者

曰肘外輔骨。臂骨之在外者曰臂外兩骨。其在內近腕者曰關。穴有內關外關者以此至本肱骨

所云掌後兩骨者骨乃筋之訛字故不列若難經之所謂關則上骨內端之微焉者也。其下骨外端起

者曰手外踝。亦曰踝。外踝前微起者曰腕骨。腕亦作寬曰腕中兌骨。亦曰銳骨。其又前

者曰腕前起骨。束掌者曰掌。束骨掌束骨之後廉微起者曰掌後兌骨。舊說以手

手大指本節後起骨曰壅骨。邪客篇論手太陰之脈云內屈與諸陰絡會於魚際伏

口前筋說謂即掌後高骨誤兼旁之歧出者。通曰大指歧骨。其與次指合形如谷。故又曰合谷。

兩骨。○自兩髀而下。在膝以上曰髀骨。曰股骨。其直者曰捷。骨空論云輔骨上橫

骨之直者也。又考枯骨象脾。樞在關旁納機不在機。端而說者名脾骨為脾樞骨。又以爲在捷骨下。誤甚。其斜上俠髓者。則所謂機也。在

膝以下者曰筋骨筋亦作脛蓋不可。筋斷者小股也。亦曰足脛說文訓脛為脛端然內經皆通稱惟

筋亦作脛蓋不可。曰骸曰髀髀髀之間曰骸關骨空論云膝解為骸關王注謂曰

善名關本取兩骨可開闢之義。曰股樞一作樞股。亦曰樞蓋。膝之骨曰膝。骸使膝

之骨曰輔骨。內曰內輔。外曰外輔。其專以骸上為輔者骨空論云骸下為。則膝旁

不曰輔而曰連骸。骸上者脛之上端也。筋外廉起骨成筋者曰成骨刺腰痛論云

廉之骨獨起者形按膝之上下內外皆以髓為筋成骨旁筋骨之端不至上旁膝膝下筋之說也。以成一作盛者亦誤。筋下端起骨曰踝。內

曰內踝。外曰外踝。上細而短附骨者曰絕骨。兩踝後在踵者曰跟。在內踝下者曰

內。踝之後屬內踝下前超骨曰然骨。足大指岐出者曰大指岐骨。大指本節後

宛宛者曰腕骨。其在內側如核者曰核骨核亦。足外側大骨曰京骨。京骨之前當

小指本節後者曰束骨。小指次指岐出者曰足小指次指岐骨。足上曰跗。其外側

近踝者曰跗屬一作屬跗。凡肘腋髀髀兩端相接骨通曰機關。亦曰關骨空論所

云關上為關王注云當旋之後者也。穴有名髀關考必其正直膝之前故其謂之髀即髀關也。手足腕兩端骨亦通曰關。完

醫 學 雜 誌

（按）清沈彤撰釋骨一卷取內經所載人身諸骨參以他書所說臚而釋之。中間多所辨正。如謂經筋篇足少陽之脈循耳後上額角。額乃頭字之譌。謂曲角之角。經文刊本皆誤作周。據氣府論註改定頤字。說文作頤與頤同訓。頤蓋自口內言之。如從口外言則兩旁爲頤。頤前爲頤。兩不相假。故內無通稱者。謂或骨之或。乃古城字。引說文爲證。謂齒數奇。當爲牡。偶當爲牝。說文玉篇並以牙爲牡齒。恐誤謂曲牙二穴。俠口旁四分。王冰以爲頰車穴。恐非經義。謂高骨通指脊骨。不專指命門穴。上一節謂膺中有六穴。穴在骨間。則骨當有七。謂張介賓誤以脅下謂散。謂髀骨即肩端骨。謂經脈爲斜下貫胛之胛。乃肱字之譌。謂本論篇肘內大骨內乃外字之譌。掌後兩骨。骨乃筋字之譌。謂掌後兌骨非手髀。謂壅骨在魚際旁寸口前。非掌後高骨。謂健即髀骨之直者。謂骨空論頰下爲輔下。乃上字之譌。謂刺腰痛論或骨在膝外廉。膝字乃胫字之譌。其考證皆極精核。非惟正名物之外。並可以糾鍼砭之謬。已載入著果堂集。此其別行。

之本。叙釋為吳文球講明經穴而作。則其本旨固醫家言也。編輯者識

白血輪即衛氣之商榷

名譽理事壽守型

(1) (以其功用上言之) 白血輪能圍住細菌。與之格鬪。衛氣亦是充護形身。與外邪相敵。又六氣皆由風。搬風為百病之長。舉一風字。可以賅六氣。風字從虫。誠為貴會雜誌所謂風中亦含細菌。而衛氣能捍禦邪風。與白血輪圍細菌之功。同此功用相同之一點也。(2) (以其所在地位言之) 白血輪雖在脉中。而其來源。却在吸收腺中。攷吸收腺。目不易見。散着于人身內之油膜衣網。及身外之肥白肉。全身盡有。分支極細。自成一系。夫中醫衛氣所行之道。恰亦在油膜腠理。則西醫所謂吸收系附着之地。正衛氣所游行之地也。此地位相同之一點也。(3) 西生理謂白血輪由吸收總管。在胸部與靜脉通入于血管中。能由微血管壁滲出于細胞隙中。能輸運動中醫謂營行脈中。衛行脈外。解者俱謂榮衛分道而行。然營行脈內。可以西醫之紅血輪證之。其衛行脈外一句。可為進一解。曰衛氣雖行于油膜中。(油膜中

亦有細脈。却能入于脈中。脈字非指經脈之凡脈管係營衛共行之道。驗嘉言亦謂營衛同行脈中有營中有衛衛中有營。不過衛氣能自脉壁而出于脉外。故曰衛行脈外。經曰營衛相將而行。又曰血之與氣異名同類。正指紅白血輪混處之理。此又中西相合之一點也。(4) 衛氣與邪相敵。其勝敗可以汗徵之。外邪傷人。衛氣與之相抗。其(現象)為惡寒發熱頭痛。與西醫白血輪抗細菌之現象同若得汗出則解。汗者所以表徵衛護之正氣勝也。內經營衛生會篇岐伯欲明衛氣之道。即藉漏泄以明之。且內經言汗每與衛氣并提。由此觀之。則在外遇冷凝成之汗。與在內未經遇冷之衛氣。固一而二二而一也。而經又曰汗為心液。夫心主血。血為營。汗為心液。則汗與營血亦一而二二而一也。故經曰奪血者無汗。奪汗者無血。以汗與衛之關係。及汗與營之關係視之。則營衛二者。原是若離若即。相將而行。同一道于脈中也。又營衛生會篇衛氣由下焦循太陰走腋。還至陽明之分。其行道亦即經脈篇肺脈汗湯明所走之行道。營衛之行。經既同出一轍。則脈者兼營衛二者而言。不過衛氣慄悍滑疾。可

由脈中滲出于脈外耳。則白血輪與衛氣實相肖矣。(5)白血輪是有形之物。可以顯微鏡窺之。衛氣係氣體。不過古人有返觀內景之功。見另有一種似氣者。命曰衛氣。一有形。一無形。烏可並論。然以化學之理。雖空氣亦為無數細粒合成。〔物理學之聲浪。即空氣之細點所鼓成。〕又謂氣體欲其凝為固體。但須減其溫度。至(負^{35.0}度)即成固體。由此推之。則在內溫度甚高。中所行之衛氣。及至于外遇冷。比較亦必成爲有形之物。如白血輪者乎。且西人驗白血輪。不能在人體生活時檢之。必滴血或解剖死人。則溫度已冷矣。又安知衛氣者。非即許多白血輪在體內運動之狀態乎。許多白血輪在體內運動之際。又安知非即中醫所謂衛氣游行于脉管中之狀態乎。中醫發現衛氣。必因古人返觀內視之時。因許多細物互相運動連屬若氣者。(譬如炊煙如氣。遇冷則凝成黑粒之煤。此氣因許多黑煤游行可成之現狀也)不及審其形狀。即名曰衛氣。亦如血也。名血不知其中亦有紅血輪也。然血中別爲

營衛固亦老子曰。物生于有。有生于無。有形無形。無形有形。不必拘也。此說盡是別之矣。

臆見無前人成說可據。是否有當。質諸海內高明。

中焦受氣取汁變化而亦是爲血之研究 魏宗岱

所謂受氣取汁者。從何取汁乎。又從何而受氣乎。攷之內經。証之西說。分析言之。飲食入胃。資生氣血。飲爲陽化而爲氣。食爲陰變而成血。然血也。氣也。其在胃中。仍然是飲食之汁。並未化氣成血。飲食化汁之原理。是經胃中一伸一縮之作用。伸縮不息化而爲汁。經云食氣入胃。濁氣歸心。食氣指穀之全體而言。濁氣指精汁而言。精汁由胃大絡上奉心藏。西說乳糜管是也。其中之汁爲乳然。並非是氣。是血。故不以氣血爲名。而以汁名之也。所謂取汁者。是從胃中取汁。經過大絡上歸心藏。釋又云水入於經。其血乃成。飲入於胃。游溢精氣。上輸于脾。脾氣散精。上歸于肺。水精四布。五經並行。此是孫絡皮膚化血之由來也。其取汁也。胃之伸縮也。變化而赤也。皆由受氣之故也。氣機若須臾有礙。諸機能皆滅絕矣。受氣者。受於天真之氣。天真之氣與人相通。相通之道有二焉。一從鼻孔相通。一從毛孔相

通。故呼則氣出而肺闔。吸則氣入而肺開。肺之開闔。心之運動。血之循環。胃之伸縮。脈之至數。則莫不由呼吸之變化焉。要之中焦受氣。一受上焦天真之氣。二受中焦飲食之精氣。故由受氣方能取汁。方能變化。其所以變化而赤者。一在肺呼吸之變化。一在皮膚呼吸之變化。故均皆受氣。均皆變化而赤者是也。

陽絡傷血外溢。陰絡傷血內溢之疏證

名譽理事 盧則鍾

人身之中有經脈有絡脈。而孫脈極多不可勝數。絡脈凡三百六十有五。均未聞有陰陽之說。惟經脈十二有三陰三陽之名焉。手之三陽。從手走頭。手之三陰。從胸走手足。足之三陽。從頭走足。足之三陰。從足走腹。絡脈孫脈縱橫交錯。皆連於經。因行上行下。遂分陰分陽。然絡分陰陽。實由經分陰陽。經主輸血。血源於心。歷臟腑以外達。循手經而下迴。過孫脈至絡脈。復注於經脈。往來運行循環不已。若夫六淫外感。或七情內傷。則身中周流之血。失其常道而妄行。故經曰陽絡傷血外溢。陰絡傷血內溢。夫同一絡傷。何以有陰陽之別。同一血溢。何以有內外之

分。不知上爲陽。血從三陽之絡出者。故曰陽絡傷。下爲陰。血從三陰之絡出者。故曰陰絡傷。且陽主外。陽絡傷。血必外溢。陰主內。陰絡傷。血必內溢。無徵不信。試以仲聖書證之。傷寒曰。太陽病。脈浮緊。不發汗。因致衄者。麻黃湯主之。此寒鬱營分。血不受遏。從而上升。出於鼻竅。可爲陽絡傷。血外溢之一證。少陰病。下利便膿血者。桃花湯主之。此熱化太過。下焦經脈不固。可爲陰絡傷。血內溢之一證。金匱曰。吐血不止者。柏葉湯主之。此火熱衝激陽明。迫血上湧於口。又可爲陽絡傷。血外溢之一證。先便後血。此遠血也。黃土湯主之。此太陰虛寒。失其統攝。胞中之血滲漏於下。又可爲陰絡傷。血內溢之一證。以經證經。願明其旨。尙希有道正焉。

傷寒與溫症治法大別

理事王 熾

治傷寒以存津液爲主。治溫症亦以存津液爲主。蓋津液與血液交相助益。榮枯通塞。息息相依。血液足則津液充。津液傷則血液亦爲之枯塞。故溫症傷寒之治法。咸以存津液爲主也。然傷寒以汗吐下三者爲大法。溫症於汗下外。多用清法。

少用吐法。傷寒汗欲透徹。汗不透徹。則有餘邪留遺爲患。溫症汗不容強。必待溫邪既退。乃有自汗戰汗狂汗之候。夫汗不徹而久留餘邪。化而生熱。則津液必被其耗傷。汗因邪氣固結。不能速出。而以表藥強使之出。勢必涸其汗源。變成枯燥。愈不得汗。然則傷寒欲透汗。正所以存津液也。溫症不欲強汗。亦所以存津液也。日傷寒初起。寒邪在表。裏未化熱。絕無兼用清解之法。而溫症初起。必用辛涼辛寒解表。若但用辛散。不兼清解。恐風藥風燥煽動溫邪。表邪甫退。而內外燔灼。是溫病表藥中兼清解。即所以存津液也。語云傷寒下不厭遲。溫症下不厭早。蓋以傷寒邪自外入。溫症熱由內生。邪自外入者。裏未化熱。固不容下。裏雖化熱而未至燥結傷津。猶不肯下。只用清法。蓋恐下之愈傷其津也。若熱由內生。復感外邪。內外邪熱最易混合。解表之後。視其舌苔由白轉黃者。無論潤與不潤。皆宜速下。甚有溫邪初起。表邪全在。而舌苔厚堆如積粉。乾燥不潤。即當以汗下並行。蓋不下則邪無出路。熱勢蒸騰。煅煉腎液。轉成危疾。是早下所以存津液也。此傷寒

與溫病治法雖各不同而保有津液則一。學者果能認得何者爲傷寒，何者爲溫病，本此法以治之，思過半矣。

傷寒惡寒中風惡風辨

名譽
理事 陳幹卿 杰

人稟天地五行陰陽之常，因風氣而生。風氣者，即東方甲乙生發之氣，爲四時六氣之首。而天氣化生長養萬物，必隨八風動盪之機而發。發則寒暑燥濕火相隨，應時而化。人感此氣以爲生成者也。然風有邪正之分，故風氣雖能生萬物，亦能害萬物。如水之能浮舟，亦能覆舟也。若人內氣不虛，無以受邪，一或有失，即隨感而爲病矣。然則感其風者，未有不感其寒，感其寒者，亦未有不感其風。蓋風之與寒，相因而爲病也。風中無寒，即爲和風。若一夾寒邪，中於人身，則惡寒惡風之病狀現矣。然其所以惡寒惡風者，隨其風寒之多寡，與夫肌腠開闔與否，而異其現象也。是故傷寒論中之惡寒惡風，乃以其感受何邪之輕重，中入之深淺爲言。非謂中風單受其風，傷寒單受其寒。柯氏云：傷寒輕者全似中風，中風重者全似傷

寒可以悟矣。而成氏以傷寒惡寒中風惡風爲說。謬甚。蓋風爲陽邪。陽氣疾。善行而數變。能動衛氣。而泄津寒爲陰邪。陰氣徐。勁切而凝澀。善鬱皮毛。而閉腠。傷於風之多者。則分肉不溫而熱矣。皮毛不充而緩矣。腠理失其肥。則疏而不密。開闔失其司。則泄而不固。以是淅淅然而惡風矣。傷於寒之多者。則腠理閉而不疏矣。皮毛遏而不宣矣。以是嗇嗇然而增寒也。傷論中有傷寒四五日身熱惡風及太陽中風嗇嗇惡寒之說。可知傷寒既有四五日之久。乃寒已化熱。熱氣薰蒸。則毛竅疏開。皮膚不密。而惡外來之風也。而中風嗇嗇惡寒。爲寒邪深入肌腠。則毛竅閉闔。皮膚密固。而增其內之寒也。非必拘拘于中風不惡寒。傷寒不惡風之說也。由是觀之。則傷寒之惡風。中風之惡寒。一爲皮毛未開。即惡寒。其寒爲病之本氣。一爲皮毛既開。即惡風。其風爲身外之客氣也。成氏謂中風惡風。傷寒惡寒。不足爲金針之度矣。尤有世之言醫者。往往謂風傷衛寒傷營。其說更謬。况傷寒一書。原名卒病論。亦非必風傷衛寒傷營也。素問玉機篇云。風寒客於人。使毫毛畢直。

皮膚閉而爲熱。靈樞五變篇云。百疾之始期也。必生於風雨寒暑。循毫毛而入腠理。素問皮部篇云。百病之始生也。必先於皮毛。靈樞制節篇云。虛邪之中人也。灑淅動形。起毫毛而發腠理。可知風寒皆爲外來之邪。先客皮毛。後入肌腠也。太陽篇首即曰。太陽病發熱汗出惡風脈緩者名爲中風。次云。太陽病或已發熱或未發熱必惡寒體痛嘔逆脈陰陽俱緊者名曰傷寒。可見仲景風寒並舉。絕無畸輕畸重之分。後世不察。致有傷寒惡寒中風惡風以及風傷衛寒營等說。庸工信之以爲此乃一定不易之理。膠柱不化。貽害多矣。然則風邪之中未始無寒。寒邪之中未始無風。風寒傷衛。未有不於營。風寒傷營。未有不經乎衛。豈有營病衛不病。衛病營不傷之理哉。余謂中字傷字。別無深義。特感受風與寒而已。其謂風邪感人也。如矢石之中人。從皮毛襲入。故於風字上加一中字。金匱中風癱瘓另有之一門。與此謂名爲中風者。大不相侔。而名稱則一。則本論之中風名之爲傷風。亦未爲不可。傷寒之傷字。謂之爲中寒。亦無不可。以此兩字作感受解。而千古之

蒙蔽可破。而傷寒惡寒中風惡風之說亦可悟矣。不然即世稱北別邊有真傷寒南邊無真傷寒之說。何以闢其謬哉。

汗多亡陽又能亡陰說

名譽理事 張國華

人身之汗。若天之雨。故汗出則身冷。未汗之前煩躁面赤。汗過多故有亡陽之證。然曰又能亡陰何也。汗者體陰而用陽。陰陽有互根之理。請申其說。嘗見夫妄汗者。每多喉乾舌燥。或耳鳴目眩。及怔忡。瞶惕。便難等證之變。凡此非陰陽互根之明證乎。則多汗又能亡陰者。可無疑矣。即仲師於淋家。衄家。瘡家。亡血家。汗家。各節。所以諄諄戒汗者。綜原其故。亦何莫而非鑒及於此哉。太旨治亡陽宜甘溫以回陽。治亡陰宜甘寒鹹寒及酸甘以存陰。他如從陰引陽。或陰陽並濟。神而明之。存乎其人也。

論結胸痞氣藏結

秦之濟

結胸痞氣藏結三者。皆太陽下早所致也。經曰病發於陽而反下之。因作結胸病。

發於陰而反下之。因作痞氣。下後裡虛。邪結三陰。則爲藏結。故結胸乃邪氣乘虛結於胸中。鞭滿而痛。實熱結滯也。痞氣乃邪氣乘虛結於心下。滿而不痛。虛邪停留也。藏結乃邪氣乘虛結於三陰。狀如結胸。虛寒凝滯也。其中當推痞氣爲輕。以虛邪易除也。結胸略重。以實熱難攻也。藏結最重。以虛寒不易挽也。是以仲景治痞氣之瀉心湯。半由柴胡湯加減而得。不欲攻以傷中也。治結胸之陷胸湯。多用硝黃巴豆之屬。非此難以掃蕩也。藏結則頻頻以不可攻爲戒。其意蓋可知矣。論其治法。則痞氣有五方。嘔而發熱者。熱邪挾飲也。半夏瀉心湯以滌飲而消痞。惡寒汗出者。表陽不固也。附子瀉心湯以溫陽而消痞。濡而脈浮者。虛邪痞鞭也。大黃黃連瀉心湯以消上焦虛鞭下利。雷鳴乾嘔心煩者。胃中空虛也。甘草瀉心湯以補中而消痞。乾噎食臭腹鳴下利者。腸下有水也。生薑瀉心湯以散水而消痞。故半夏瀉心治虛熱而嘔之痞。折逆之法也。附子瀉心治外寒內熱之痞。溫攻之法也。大黃黃連瀉心湯結熱成實之痞。寒攻之法也。甘草瀉心治虛熱益盛之痞。

緩急之法也。生薑瀉心治虛熱水氣之痞。散飲之法也。此痞之治法也。結胸則有四方。舌上燥渴。口哺潮熱。心下至少腹鞭滿痛不可近者。大陷胸湯主之。邪重熱深。所以攻結散熱也。正在心下按之則痛者。小陷胸湯主之。邪淺熱輕。所以開結滌熱也。不渴身無大熱者。三物白散主之。所以逐寒水之實也。項強如柔痙狀者。大陷胸丸主之。所以緩攻胸肺之邪也。故大陷胸治熱實硬滿。直折之法也。小陷胸治實而按痛。小劑之法也。三物散治寒實結胸峻逐之法也。陷胸丸治熱甚於上。緩攻之法也。此結胸之治法也。若藏結則陰邪結於陰也。邪由胸表陷入藏裡。下利硬滿而脉細緊。一派虛寒之象。仲景雖未立方。竊謂當用理中四逆輩。溫中散邪俾陰氣漸下而內消。客邪漸上而外散。亦內經壯陽之主。以消陰翳之旨也。否則症已無陽而復攻之。勢必邪未去而陽更傷。有不立見其殆者乎。此或藏結之治法也。由此言之。塞而不通痞而不分爲痞氣瀉心湯乃分解之劑。瀉心下之邪也。氣結不散壅而不通爲結胸。陷胸湯乃直達之劑。瀉胸中之邪也。藏內虛寒。

結而不散爲藏結。四逆陽乃回陽之劑。消下焦之邪也。二者雖同爲太陽早下之症。而一實一虛。一寒一熱。判然不同。有如是也。

內傷外感源異流同論

名譽理事 時逸人

外感者感風寒暑濕燥火六氣之病也。內傷者傷喜怒憂思悲恐驚六情之病也。二者之分。前輩論之詳矣。蓋外感者自外而入。內傷者自內而出。幾微之別。毫厘千里。然亦有當分者。有不當分者。有雖分之而不得盡分者。此不可不別也。夫內傷由於臟腑之神志。外感起於軀殼之經絡。此視而可見。言而可知。所謂當分者也。設外感而入臟腑。則神志亦病。內傷而出於軀殼。則經絡亦病。且在內之氣血。既病而在外之營衛。未有不受病者。在外之營衛既病。而在內之氣血。亦未有不受病者。其理如此。所謂不當分也。更有外感而兼內傷。內傷而兼外感。如風伏肝陽。兼病肺熱。且素腎虛。則外而寒熱咳嗽。上而眩冒咯血。下而遺精漏泄。諸症并作矣。將以外感目之耶。抑將以內傷目之耶。此所謂雖分之而不能盡分者也。嗚呼。

呼內傷外感源雖異而流則同。可不辯哉。

庚申疫症之經過

前人

庚申歲疫勢甚烈。痘疹之未已。喉瘍繼之。幾有十室九病之概。但於幼稚爲然。十歲以上者。患之寡矣。孩提無知。夭死載路。余嘗究其因。厥有三端。一以市醫習慣。衣鉢是資。印板呆方。敷衍隨意。迨屢試而輒困。亦知其術之疎也。一以時氣變更。燥溼夾至。顧彼礙此。莫其於茲。一以病家貴耳賤目。知識毫無。問卦求神。書符念咒。致悞病機之經過。雖良醫莫可挽救矣。至論其用藥施治之法。說者謂不能悞用風寒藥以增其勢。殊不知當日之疫症。雖風溫藥如辛涼平劑及辛涼重劑等類。亦無所用之。間有以白虎爲救焚之具者。亦如水之投石。於事何補哉。蓋斯疫之發生也。先徵於大便之秘結。繼之乃心煩而頭眩。若寒熱咽痛癩疹氣促等症。相繼踵接。不終朝而死矣。其必因血液中炭酸停積。藏垢納污。心腦受邪。血熱壅滯。不進清消。何由出路。故斯症初起之善治者。惟調胃承氣湯。重加芒硝而已。稍

緩須臾。機宜坐誤。良方雖多。難挽傳變之勢耳。實驗之餘。用誌顛末。以與同道者一談。

肺病論

續第七期

葛蔭春

前漢

史記 班固漢書 太倉公生死秘訣 東方朔十洲記

後漢

范曄後漢書 張仲景傷寒論 金匱要畧 小品方 華佗中藏經

內照法 張華博物志 左慈方

蜀漢三國

陳壽三國志 李當之本草 吳普本草 支太醫方

東西晉

王承註素問 皇甫謐甲乙經 范汪方 王叔和脉經 說文

第八期 論說門

葛洪肘後方

六朝隋唐

徐之才藥對 兆僧垣集驗方 孫思邈千金方 王燾外台秘要

巢氏病源 深師方

唐

陳藏器本草拾遺 劉禹錫傳信方 甄權明堂圖 魏徵隋書 武后方

甄權古今錄驗方

五代

陶弘景名醫別錄

宋

丁錦注難經 成無已傷寒明理論 唐慎微本草證類 許叔微本事方

蘇沈良方 龐安常本草拾遺 申鉞鑿方 臞仙方 朱肱南陽活人書

許希神應鍼經 陳文中活幼新書 賈似道悅生隨鈔 錢仲陽小兒直

指 陳無擇三因方 宋太宗太平聖惠方 沈存中筆談 聖濟總錄

和劑局方 宋仁宗方 張樞醫說

遼金夏

劉完素河間六書 張子和儒門事親 張潔古醫學啓源

元

東垣十書 醫壘元戎 醫家大法 陽德本草以上王好古著 丹溪心法

豚因證治以上朱丹溪著 玉機微義劉宗源著 羅謙甫衛生寶鑑 危亦林得效方

葛可久十藥神書 夏子益奇疾方 鄧筆鋒衛生雜興 李仲南永類鈴

方

明

王安道百病鉤玄 倪維德續醫說 陳自明婦人良方 鄒福經驗良方

第八期 論說門

二十四

熊宗立婦人良方補遺 醫學集成 醫學正傳以上二種 虞天民著 王匡養生主

論 戴元禮證治要訣 韓飛霞醫通 王璽醫林集要 方廣丹溪心法

附餘 醫學綱目 醫學入門以上二種 李挺著 明醫雜著 本草集要以上二種 王給著

古今醫鑑 萬病回春以上二種 賈信著 薛立齋醫案 薛立齋外科發揮 張景

岳全書 張石頑醫通 趙養葵醫貫 李時珍本草綱目 王肯堂證治

準繩 吳又可瘟疫論 張世賢圖註難經 傅青主醫書二種

清

喻氏三書西昌喻嘉言著 證治彙補上海李煜菴著 張隱菴註內經 張隱菴註傷寒

論 尤在涇金匱心典 徐靈胎六種 葉天士醫案 葉天士熱病論

醫宗金鑑 張隱菴本草崇原 吳鞠通溫病條辨 陳修園四十八種

醫林改錯 驗方新編 顧善夫傷寒薈英 葛氏家傳方 蔣實素問齋

醫案 柯韻伯來蘇集 本草從新 康熙字典

高麗國

鄉藥集成方

醫林撮要

高麗內醫鄭敬先著

東醫寶鑑

許浚著

安南國

天南小史

安南阮世序注

日本國

日本歷史

尙玄飛註外台秘要

內科類攷

泰西各國

英吉利合信氏婦嬰新說

美國柯維良全體圖微

皮膚新論

肺病論引用古今書目終未完

小兒起風之臆說

名譽理事程際雲

小兒起風一証前人謂爲斷臍帶不慎風邪由臍而入所以有臍風散之治竊以爲不盡然也。蓋起風之家往往有連殤數孩者豈一次不慎兩次三次亦不慎乎。

夫不曰中而曰起似非無因。可知此風不盡由外而入。乃自內而生。亦非生於既生以後。乃生於未產以前人之生也。男女媾精時。一點真陽。是謂元陽。爾時感受風邪。風邪已含其中。隱而不發。及既產以後。或遇外風感召。遂現抽掣撮口諸証。故每發於七日以前者居多。緣七日以前。小兒氣血未凝。邪風易入。而又有內風以相感召。不禁一發而難於醫治也。以果類喻如桃杏之蛙。必因風而生。然非生於成果之後。實生於開花之時。爾時感受風邪。蛙已含生其間。花落實結。蛙在內與之俱長。日復一日。果已成而蛙已蠕蠕然動矣。兒臍之帶亦似果實之蒂。臍帶之順而長者則無慮焉。若紐而短者。每有起風之患。一如果實之蛙者。其蒂必短而滯理。或然歟。

纂述門

(生理類)

中國初級生理教科書弁言目錄一課至三課

包蘇
村著

弁言

昔王荆公云。醫者意也。意有所在。理即存焉。故內經素靈諸篇。皆爲闡發義理之作。惜文字艱深。不便初學之研究。而其他中醫書籍。雖汗牛充棟。亦只言手術而鮮及生理者。先子蘅村公嘗曰。爲醫不知生理。是猶舟師不明航路。而求治療。應手不入歧途。烏可得耶。會歐風東漸。儀器圖畫接踵而出。人體構造。朗若列眉。先子因蒐集譯本。印証舊說。公暇輒事鉛槧。數年中孜孜不息。成書三十篇。文義淺顯。深合初學之用。初先子立志創設醫學專校。溝通中西學說。融於一爐。而以疊造兵革。事遂中止。所志未逮。遽歸道山。是書致未刊行。錫善不才於先子之學。未

窺萬一。然得間披閱遺書。覺盡脫前人窠臼。自成一家之言。意近而旨遠。殆洪荒人內經素靈之遺意也。爰取原稿。詳加詮註。補其闕說。以公於世。并誌其崖略焉。

時民國十年辛酉仲冬吳興包錫善農輔氏識

目錄

醫	學	雜	誌
第一課 說中國解剖之原始	第二課 說表裏	第三課 說陰陽	
第四課 說腦	第五課 說督脈	第六課 說眼	
第七課 說鼻	第八課 說耳	第九課 說口	
第十課 說舌	第十一課 說肺	第十二課 說心	
第十三課 說胃	第十四課 說肝	第十五課 說胆	
第十六課 說脾	第十七課 說膈	第十八課 說小腸	
第十九課 說大腸	第二十課 說腎	第二十一課 說膀胱	
第二十二課 說三焦	第二十三課 說汗管	第二十四課 說子宮	

第五課 說骨

第六課 說腎囊

第七課 說臚中

第八課 說命門

第九課 說動脈

第十課 說電力

第一課 說中國之剖解原始

人稟天地之氣以生。天有寒暖。地有燥溼。人有剛柔。體有強弱。人有長短。體有陰陽。上古聖人黃帝岐伯按度審量。剖解而得。中古王莽捕得孫王。爰命太醫。畀以尙方。剗其肚腹。料度五藏。中指中節。折莖爲號。導其脈絡。度其穴竅。近古趙宋慶曆年間。將軍杜杞執法如山。湖南大盜其姓曰歐。其名希範。杜公捕獲。首從數十。剗其心腹。剔其筋骨。良工繪圖。醫士探索。昭示來茲。以爲程式。今將部位。分明詳說。誨爾諄諄。慎毋疏忽。

(說明) 一、鄙內經分素問靈樞兩種。靈樞講經絡輸穴。骨幹長短尺寸。度數皆由剖解而得之。至王莽時捕得孫慶王命太醫及巧屠共剗之。度其五藏竅穴。以人之中指中節爲一寸。折竹或草莖以爲記。觀因人有長短。故必以本人之

中指爲度以量穴道。今之外科及鍼灸家每祖此法。宋慶曆間杜杞執湖南盜魁歐希範及小領首數十。悉命醫士剖腹剝腸。一一探索。又命畫工從旁繪圖以爲標式。是我中華解剖學之基礎。

第二課 說表裏

人之全體表裏分明。論其大致。軀幹爲表。藏府爲裏。察其細綱。軀幹藏府各有表裏。皮膚爲表。肌肉爲裏。肌肉爲表。軀幹爲裏。骨爲表。髓爲裏。肉爲表。筋爲裏。肺與心爲表裏。肝與胆爲表裏。腎與膀胱爲表裏。脾與胃爲表裏。腦與五官爲表裏。大腦與小腦爲表裏。此言人身表裏之大畧焉。

（說明）我中國古學言肺與大腸相表裏者。以肺之脈起於中焦。下絡大腸。言其經也。此言肺與心相表裏者。言其藏也。

第三課 說陰陽

人有表裏。亦有陰陽。血爲陰。氣爲陽。腹爲陰。背爲陽。藏爲陰。府爲陽。藏爲陰。而心

為藏之陽。靈樞曰心為肺為藏之陰。靈樞曰肺為肝為藏之陽。靈樞曰肝為
真言論曰陰腎為藏之陰。靈樞曰腎為脾為五藏之至陰。靈樞曰脾為
中之陽也至於六府全屬平陽。衝任與帶俱屬陰。腦髓與督俱屬陽。二維二蹻各
陰脾也有陰陽。此言人身陰陽之大凡焉。未完

(衛生類)

論夏令衛生之要點

理事

楊百城
趙意空

季笠翁云。使天只有三時而無夏。則人之病也必稀。蓋時屆夏令。疾病較多於春
 冬二季。且秋時見症。緣於夏令伏根者居其多數。是則夏時之衛生。不綦重乎哉。
 茲將應行注意各要點。臚列於左。以備慎疾者之採擇焉。

(一)氣候。夏時酷日亢烈於上。濕濁蒸騰於下。天地氣交。人在此氣交之中。而
 暑濕之邪。上下受之。有猝感於不知不覺者。又或酷熱之後。天氣驟涼。烈風暴
 雨飄忽而至。其中傷人也必甚。他如山嶺之瘴厲氣。巷術之潮濕氣。屋隅牆角

生物之腐臭氣。凡諸種種中人即病。此宜注意者一。

(二)土地。通都大邑。人烟稠密。肩摩轂擊。汗液交流。馬勃牛溲。污穢橫積。新鮮之空氣。本難多得。加以各種工廠及客棧之廢棄物。塵埃穢積。一經酷日曝蒸。其毒菌瀰漫於空界中者。不啻爲恒河沙數。自人口鼻吸入。其病人也甚速。而其害人也尤烈。此宜注意者二。

(三)水。人體每百分。含水約七十分。每日絲飲食攝取之水約有二千瓦以上。夏令炎熱。人之體溫亦高。其蒸發水分亦多。蒸發既多。需求必倍。若此水中含有疾病媒介物。其妨碍於人身健康也甚鉅。匪宜飲食之水若此也。即浴身洗衣淨食器。洒街道以及其他一切雜用之水。均關重要。蓋疾病之媒介物。非純絲飲料水而來。常用之水亦足以誘起之。此宜注意者三。

(四)居處。房屋以乾燥通風透光三者爲最要。潮濕之地有污水之潛滯陰暗之室。鮮空氣之流通。細菌最易滋生。故居室宜多開窗牖。以通日光。蓋日光能

殺病菌。雖云夏日可畏。中人即成暈病。然貧苦之人。奔走流汗於烈日之下。故不免中熱。所謂動而得之者是也。而富貴之人。深居曲處於密室之中。又不免中暑。所謂靜而得之者是也。西人諺曰。日光不到。則醫師來。可見夏日勿宜久曝於烈日之下。亦勿宜常處於密室之中。是在善攝生者處置焉。此宜注意者四。

(五)衣服。氣候炎熱之時。衣之關係。人恆不爲之注意。不知夏時晝分熱而夜分或涼晴時熱而雨時或涼。操作熱而休息或涼。行走熱而睡臥或涼。房外熱而室內或涼。欲俾特適宜之體溫。以杜疾病之發生。必仍藉衣之力焉。尤有進者。無論何時衣服。必須勤加洗濯。况夏時炎熱。人體內汗腺所排泄之廢料。積爲油垢。閉塞毛竅。浸及肌膚。實亦爲致疾之誘因。故着身裏衣。須常更換。而求其清潔。此宜注意者五。

(六)飲食。夏令宜疏食而不宜肉食。此固稍具常識所盡知。惟瓜果冷物。人多

以其能消暑熱也。每貪嗜之。致釀成霍亂瀉痢等證。是不可不慎也。縱有時賓朋聚集。雪藕調冰。以助詩興。浮瓜沈李。以侑流觴。要不可恣情啖食。快取一時古之攝生家有言曰。毋以氣海熱生物。毋以氣海熱冷物。夏月易犯生冷。吾輩當奉此格言。題諸座右。又凡庖厨間。盛儲食物之盤皿。割切食物之刀箸。宜時時洗滌磨擦。若遇疫癘流行之年。則此等器具。須煮於沸水中若干時。以滅除微生物。方可應用。且均不可使蚊蠅之類。吮其上。以防止其遺卵。或其吻上足間所沾之微生物。移置於上也。此宜注意者六。

(七) 操作。人必有職業。則不能無操作。且操作亦健身之道也。然須有一定之時間。不可以太過。或不及。况夏令氣候最熱。操作太過。則人身熱度愈高。能令筋絡鬆懈。皮膚內小管漲大。血行太速。神經不安。全體軟弱。又令身內之要質。隨大汗而耗散。身體必更憊倦也。此宜注意者七。

(八) 睡眠。凡人終日操作。形體之困頓。精神之疲罷。咸賴睡以休養之。夏月晝


長夜短。暑濕交蒸。宋人詩有云。困人天氣日初長。此其時也。苟徒貪睡眠。而無一定標準。則氣血濡滯。志意怠惰。反令形體不強。精神不振矣。此宜注意者八。病有內因。外因。上述八項。乃防禦病之外因。此外。則有內因。精神之休養。是也。內經四時調神論云。於夏月。恬澹虛無。真氣從之。精神內守。病安從來。又云。使志無怒。使華英成秀。使氣得泄。若所愛在外。此夏氣之應。養長之道也。逆之。則傷心。實爲夏令衛生之金科玉律。又安可以忽之哉。

(診治類)

韓天爵_志診病六法式

式云。某處某人某年月日填醫案一宗。
望形色。

聞音聲



第八期 聽述門

問。情狀。

何處苦楚



何因而致

何日爲始

晝夜孰甚

寒熱孰多

喜惡何物



第八期 雜學門

第八輯 雜述門

曾服何藥

曾經何地

切脈理

左部

浮本位

中取

沉候

浮取

中候

沉本位

浮候

中取

沉本位

右部

浮本位

中取

沉候

浮取

中本位

沉候

浮應上焦

中右關

沉應肝腎

論病源

(尺)(關)(寸) (尺)(關)(寸)

某人素稟孰盛

其病今在何類

標本孰居

畢應何如

服藥宜如何將息

病疾痲病痼今在何際

治方術

主治用何法

先後用何方

韓氏云。六法者。望聞問切論治也。凡治一病。用此式一紙爲案。首填某地某時。審風土與時令也。次以明聽望之聞之。不惜詳問之。察其外也。然後切脈論斷處方。得其真也。各各填注。病者持循待續。不爲臨敵易將之悞。而醫者

第八期 醫道門

四十

周詳審慎。庶盡爲人司命之職。

試法

古人試病方法甚多足補四診之缺彙錄於下

理事

楊百城輯
趙意空

試傷寒法。

以野芋頭擦背脊第三骨節不覺痛癢者是傷寒症也。即以手擦周身得汗解。與尚

先理論
駢引文

試冷病熱病法。

以物熨之喜涼者熱喜溫者寒。諸證皆以此辨。上全

王孟英醫案云。神清而嚼薑不辣者真寒症也。

齊書載一僧父冷病積年重茵累褥。牀下沒爐火。猶不差。徐嗣於盛冬月令其裸身坐石上。以百瓶水從頭自灌。須臾體出氣如雲蒸。嗣曰。此乃大熱症也。

据上所述。斯寒熱之真假。且有法試而得之。

試虛痛實痛法。

喜按者虛痛拒按者實痛

按內經云風雨之傷人也實實則外絡充滿不可按按之則痛寒濕之傷人也虛虛則氣不足按之則快然而痛減

試痧法

生黃豆細嚼不腥者痧也既可試病亦解痧毒生芋亦可王孟英醫案又銅錢可以試

痧昔余暑月腹痛如絞以銅錢試之入口即酥嚼之如泥至二十餘枚痧解而痛

亦止用此法多

試內癰法

心肝肺腎大小腸三焦皆有生癰之症名爲內癰初起嚼黃豆試之不腥者是用五神膏即杏仁一兩元參五錢蛇脫蜂房亂髮各二錢半油丹熬者或加大黃皂角刺貼臍取瀉腸癰六一散敷縮脚腸癰梅花點雪丹敷臍癰平胃散加川黃連敷胃癰吐瀉膿血自愈不必治肝癰照腸癰法

試肺癰腸癰法。

肺癰腸癰皆吐臭痰。如棉花捲竹葉。燈上蘸燒之令病人看。兩個火頭者肺癰。一個火頭者腸癰。以肺有兩葉。腸只一條也。

試臟脹法。

臟脹用鹽炒熟。布包放臍上。水臟鹽化水。食臟鹽紅色。血臟鹽紫色。氣臟鹽黑色。氣虛中滿鹽本色不變。

試積聚為血為痰法。

積聚癥瘕痞癖。皆氣血痰食為病。試法如痛甚推不動。熱物熨之痛稍緩。為血痛不甚。推易動。以熱物熨之。無所覺。為痰。始如彈丸。以漸而大。時升時降。時隱時現者。氣塊也。或左或右。或上或下。漉漉有聲者。痰飲也。未完

灸十二種骨蒸法

蘇沈良方

崔丞相灸勞法。外臺秘要。崔相家傳方。及王寶臣經驗方。悉編載。然皆善。悞毘陵

郡有石刻最詳。余取諸本參校。成此一書。比古方極爲委曲。依此治人。未嘗不驗。往往一灸而愈。予在宣城久病虛羸。用此而愈。

取穴法

先定穴。令患人平身立正。取一細繩攪之。勿令人展縮。順脚底貼肉堅踏之。男左女右。其繩前頭與大拇指端齊。後頭全當脚根中心。向後引繩。循脚肚貼肉直上。至曲脈中大橫紋截斷。又令患人解髮分兩邊。令見頭縫。自顙門平分至腦後。乃平身正坐。取向所截繩一頭。令與鼻端齊。引繩向上。正循頭縫至腦後。貼肉垂下。循脊骨引繩向下。至繩盡處。當脊骨以墨點記之。是灸處不又取一繩子。令患人合口。將繩子按於口上兩頭至吻。却勾起繩子中心至鼻柱根下止。如此便齊兩吻。截斷。將此繩展令直。於前來脊骨上墨點處。橫量取平。勿令高下。繩子先中摺當中。以墨記之。却展開繩子橫量。以繩子上墨點。正壓脊骨上墨點爲正。兩頭取中。勿令高下。於繩子兩頭以白圈記白。圈是灸穴也。

以上是第一、二次點二穴。

次三穴。令其人平身正坐。稍縮臂膊。取一繩繞項向前雙垂與鳩尾齊。鳩尾是心歧骨。人有無心歧骨者。則從胸前兩歧頭下量取一寸。即是鳩尾也。即雙截斷。却背翻繩頭向項後。以繩子停取中心。正令當喉嚨結骨上。其繩兩頭夾項雙垂。循脊骨以墨點記之。墨點不是灸處。又取一繩子。令其人合口橫量齊兩吻截斷。過於脊骨上。墨點橫量爲法。繩子兩頭以白圈記之。白圈是灸穴處。

以上是第二次點穴。通前共四穴。同時灸。日別各七壯。至第二穴壯累灸至一百或一百五十壯爲妙。候灸瘡欲癢。又依後法灸二穴。

又次二穴。以第二次量口吻繩子於第二次雙繩頭盡處墨點上。當脊骨直上下豎點。令繩中停中心。在墨點上於上下繩盡頭以白圈兩穴。白圈是灸穴處。

以上是第三次點兩穴。謂之四花穴。灸兩穴各百壯。三次共六穴。各取離日量度。訖即下火。唯須三月三日艾最佳。病瘥。百日內忌飲食房

室安心靜處將息若一月後覺未瘥復初穴上再灸。未完

(關於治療各稿彙登)

研究痢症及方法

理事 張思卿

痢症古名滯下。其證裏急後重。膿血。此其同也。惟有發熱惡寒者。有發熱不惡寒者。有不發熱而微惡寒者。此其異也。臨症時須於同中註其異。再于異中酌其同。方爲面面俱到。擬方法如左。

1 痢證有發熱而兼惡寒者。此有表證也。有汗當用桂枝湯方法。無汗當用葛根湯方法。鼓邪外出。然後再治其痢。

2 痢證有發熱而不惡寒者。此無表證也。宜用芍藥湯方法。調氣行血。以清內熱。

3 痢證有不發熱不惡寒者。此裡寒證也。宜用理中湯方法。以祛寒。或平胃散加木香乾姜澤瀉瀉猪苓之類。

4 裏急至圍反不能即出者。氣滯也。疏通爲主。如木香枳殼厚朴檳榔陳皮薏仁。

48 之類。

5 裏急類見汚衣者。氣脫也。補瀉爲主。如黨參白朮桔梗烏藥之類。

6 後重至圓稍減者。火迫也。清火爲主。如黃連黃芩大黃之類。

7 後重至圓轉增者。下陷也。升提爲主。如升麻葛根之類。

8 痢證有脫肛者。熱則肛門閉。寒則肛門開。磁石爲末。食前米飲下二錢。外用鐵銹湯洗之。

9 痢證有屢止屢發者。名休息痢。因用瀉太早。或不能節飲食。戒嗜好。所以時作時止。宜用四君子。或補中益氣。加香連肉蔻之類。

10 噤口痢。食到便吐。或飲食不能進。此上焦火迫也。宜用大承氣湯。或葛根黃連黃芩甘草湯。相需爲用。生死關頭。在此用藥。

11 久痢已成壞證。變態百出。無論其脉。無論其證。只宜以參附芪朮香砂。補脾健胃。常有得生者。

(12) 痢證脈沉小澹細者吉。洪大滑數者凶。脈大爲未來。微弱爲欲止。身雖熱不死。

論治痢

名譽理事 張錫純

方書論治痢者多矣。即俗傳治痢之方。亦較他方甚夥。而究於痢之易治者。用之恒效。若遇難治之痢。用之鮮有效者。痢之原因。大抵因腹有積熱。又有外寒乘之。其寒熱交爭之氣。遂留滯於腸中而爲痢。(痢之究竟。雖有偏熱偏寒。而其初期大抵寒熱交併。)其初紅白黏滯。乃寒熱交併之所凝結也。繼則所下者夾雜脂膜。時時微痛。是腸中之脂膜已腐敗矣。繼則所下者腥臭異常。狀如爛炙。且時時切痛。是腸中之血肉更潰爛矣。此時虛熱上浮。飲食懶進。腸中之生機必然減少。而又時時潰爛其血肉。其人何以能堪乎。痢証至此。已至極點。投以尋常治痢之藥。實百中無一效者。歷觀古方。惟仲景白頭翁湯。較諸治痢之方獨優。而當此極危險之候。欲用其方。猶覺盡未脗合。拙著衷中參西錄。治痢共有七方。皆係僕自擬。其中有三方。治此危險之痢。皆極效驗。每方後。均載有治愈之醫案。可徵。今將

其方案詳錄於左以資同道者之參考。

(一)爲解毒生化丹。治下痢日久鬱熱生毒腸中腐爛時時切痛後重。所下多似爛炙。且有腐敗之色臭者。方用金銀花一兩。生杭芍六錢。粉甘草三錢。旱三七細末三錢。鴉胆子俗(名鴨蛋子)去皮揀成實者六十粒。右藥五味。先將三七鴉胆子用白糖水送服。一半鴉胆子須囫圇服。再將餘藥煎服。過四五點鐘。再將所餘之三七鴉胆子用白糖水送服。即將湯藥煎渣再服。病重者一日須服兩劑。方能見效。

(二)爲通變白頭翁湯。治熱痢下重腹疼甚劇。及患痢之人。從前曾有鴉片之嗜好者。方用生懷山藥一兩。白頭翁。生杭芍。各四錢。秦皮。生地榆。旱三七細末。各三錢。甘草二錢。鴉胆子去皮揀成實者六十粒。右藥八味。三七鴉胆子分兩次送服。餘藥煎服如前方。

(三)爲三寶粥。治痢久膿血腥臭。腸中腐爛兼下焦虛憊。氣化滑脫者。方用生懷

山藥軋細一兩。旱三七軋細二錢。鴉胆子去皮揀成實者五十粒。右藥三味。先將涼水四茶鍾。調和山藥末煮作粥。煮時不住以箸攪之。一二沸即熟。約得粥一大碗。隨便調以白糖（取其適口）即用此粥送服三七鴉胆子。未完

疫痢之研究

事理 喬尙謙

近日省垣發現一種疫痢。初類感冒。腹痛。身發大熱。晝夜下痢數十次。按疫痢多有外感。治當遵喻氏嘉言先清其表。使外邪不致內陷。然後繼清其裏。此一定之次序也。余有侄孫女年纔四歲。於上月廿間偶患是症。余用當歸導滯法。加清熱散表之劑服二帖。病未減輕。余侄因延友人用西法療治。友人取五百倍顯微鏡。驗糞內實含有此種毒菌。因用空針注射法。用藥水滅殺其菌。據云此最新治痢之妙法。西洋自得此法。痢不難治矣。延至五日。痢症似少見。輕熱亦漸退。於第六日。余親去看視。見其外象敗壞。神氣不振。心竊疑之。延至七日。而病竟不起。按西法滅菌似為此症最捷之法。而何以反致不救。竊意滅菌乃治有餘之症。其神氣

敗壞。雖緣原氣大虛。非此所能為力矣。余深悔身發大熱時。未用敗毒散。取逆流挽舟法。以濟其表。實為隱憾。用是知西法之滅毒治法。雖精亦尚有研究之價值者也。按此殤之姪孫女。身體素壯。近因缺乳。雜進飲食。此中不無可議。又聞友人。有同樣之嬰孩。亦因是症而致傷生。知此症亦狼虎症也。憶前十六年。在京時。三小兒曾患是病。延京師名下陸君子英醫治。陸親審痢後。謂此乃五色下痢。改用附子參朮等劑數帖而愈。彼時中國純無痢毒之說。然未嘗不可醫愈也。或者中國之藥。亦有滅毒之能力歟。是則非余所能知也。願以質之同人。幸誨余不逮焉。

大頭瘟治法之研究

程哲

大頭瘟者。亦大行病之一種也。或謂大頭風。或謂丹毒。二說俱覺近理。但不可混同而名之耳。醫宗金鑑載有雷頭風。即大頭風也。用震風散以治之。方見金鑑大頭天行病。用普濟消毒飲以治之。方亦見金鑑丹毒。有先用砭法。以去其毒血者。然後施以相當之藥。綜神數條治法。則于大頭瘟之治法。有津涯矣。吾嘗對於此症。有判病

治之法。此病風勝于熱。則成虛腫。名曰雷頭風。宜刺其頭上三陽經諸穴。服震
 風散以越之。熱甚于風。則成赤腫。名曰丹毒。宜砭出其毒。上之惡血。服普濟消毒
 飲以消之。熱甚者腹滿便閉。神昏譫語。舌生芒刺。頭大如斗。眼不得睜。呼吸喘促。
 砭毒之法。固不容緩。更宜服大承氣湯急下之。失治則害命最速。凡熱毒入腦腫
 陷。缺盆脉象散亂如解索。口鼻帶有屍臭味。皆不治之症。且此病內陷最速。嘗聞
 有三二日而斃命者。亦有六七日內死者。十二三日而死者。難愈者多。總之險惡
 之症也。鄙意所擬治法。亦皆本之于內經。根據于金鑑。服震風散。即上者越之也。
 服大承氣湯。即實者瀉之也。或多刺其頂上。或砭出其惡血。即菟陳則除之。邪盛
 則虛之也。近有葛某患此症。彼先延中西醫生。均投以清涼。治之無效。至七日而
 轉求于余。余見其已垂危矣。主張先用砭血之法。渠家因病急而曲從。遂砭出毒
 血約三四樽。與服加味震風湯。即用南薄荷。五錢 蒼朮 三錢 升麻 三錢 陳皮 八分
 青黛 二錢 板藍根 三錢 蟬脫 五分 水煎服。一劑而大便利。腫消其半。再劑而稍加

滅其方。病大退矣。

附砭法

用細磁片有鋒者一塊。夾于篦頭中。以線纏好。如石匠所使之鑽然。再用一隻粗篦子。擊其上端。破皮。血即流出。揀其毒最甚處。打數針。或二三十針。

大頭瘟外治法

事本向尙謙

余治大頭瘟症。每用吳鞠通所加減之普濟消毒飲方。輒愈。又常在津治一婦人。患此病者。項間有小粒。時水仙充市。因用水仙汁搽之而效。又醫愈一學生。治法大概相同。而所遇之症。皆係此症之輕者。若頭如斗大。眼不能睜。如程君所謂丹毒類者。實非輕藥所能醫愈。有某縣令之母。忽患是症。群醫治之。俱不見效。舉家惶惶。有醫生徐某。使人急覓癩蝦蟆數隻。破腹連腸雜。蓋病者首上。連易數蝦蟆。而其腫頓消。病去若失。竊謂蝦蟆拔毒法。見外科症治全生集。是古人原有此法。今以之治蝦蟆瘟。豈非對症施藥也耶。

瘧疾之研究

名譽理事 陰毓龍

風寒暑濕之邪凌虐爲病故名曰瘧。內經謂瘧瘧靈樞名歲露。有寒、溫、瘧、痰、濕、牝、瘧、瘦、鬼、勞、虛各瘧之分。其症每作於夏秋之交。多患於辛勤之人。緣中氣損傷。素不謹風寒暑濕外來之邪。飲食居處內慎之宜。逐漸致疾。由三陽而致三陰。經初起毫毛伸欠。身體拘急。寒慄鼓頷。內外皆熱。頭痛欲破。渴思飲冷。經所謂陰陽相移也。然病發不一。有一日一發者。受邪淺。病在三陽。邪隨衛氣出入。故一日一作。有間日或數日作者。感邪深。病在三陰。不能隨衛氣並出。有每日依期而至。忽錯亂無定。是正氣稍復也。邪無容地而瘧將好也。總之作愈遲者。病愈深。其得病多在夏秋者。時當中表氣虛。人好冷飲。食涼水穀。停滯爲痰。鬱於胸中。兼風暑入內。留於經絡。夏時毛竅疎通。尙不爲病。秋氣收斂。表邪不能發越。故進退不已。往來寒熱。人之氣血。晝行陽。昏與背也。夜行陰。胸與腹也。行至病所而不通。乃作寒。熱中外如水。此寒氣發於外也。寒已則內外皆熱。此邪火盛於內也。故經云。夏傷於暑。秋

爲瘧瘧有先熱後寒因傷寒後感風寒陰風陽故先寒後熱以寒爲機名寒瘧先
 感風後傷熱故先熱後寒以風爲機名溫瘧但熱不寒是陽氣盛而獨發表裏俱
 熱消燂肌肉名瘧瘧瘵瘵者因乘涼飲水飢飽失時當風臥濕脾胃不和化而爲
 瘵有積中脘遇感乃發又名濕瘵吐瘵者寒多熱微或竟寒不熱瘵瘵者乍寒乍
 熱乍有乍無疫瘵者一歲之間老幼均似鬼瘵者夢寐不祥多生恐怖勞瘵者經
 年不痊前後復發結成癰癰又名瘡母此治失宜營衛虧損邪伏肝經腦下有塊
 凡患瘧熱未退盡時雖飢勿食食則成瘡母治此攻補兼施此瘵疾之不同治法
 之各異染是患者不特在少陽五臟亦病總以脾胃膽爲主以脾主肌肉故手足
 厥逆膽主半表半裏故陰陽相爭少陽象木瘵脈不離乎弦治瘵大法審脈之弦
 數遲微辨病之偏勝虛實用藥以理脾安土豁痰開鬱發散清熱勿輕投堵截攻
 伐之劑凡脈實症寔攻邪以治標脈虛症虛補正以固本在補偏救弊使陰陽協
 和而後瘵矣

誌

難

學

醫

多年鼻塞之治法

名譽楊燧熙

鼻曰肺竅。主週身之氣化。肺氣鬱則諸經之氣皆鬱（經以諸氣噴鬱皆屬於肺）為五藏之華蓋。專司呼吸。排濁生清。通調水道而司汗腺。分布陰陽以行營衛。與大腸相為表裡。與胃有連帶關係。其位最高。其臟最嬌。喜於清肅。一物不容。毫毛即病。良由降少升多（肝肺胃）熱度甚高。腦受其侮。痰滯有餘。故成鼻淵。時流穢涕。診脈滑數有力。舌中紅槽。邊苔黃薄。其質絳色。檢前所服方。大率辛溫辛散。云係腦寒。愚謂當清上肅肺。安腦育陰。泄熱以苦寒。辛涼鹹寒。佐以甘寒等品。作腦熱治。服有百餘劑。日有起色。仿此擬一膏方。加減出入。服半年餘。呼吸如常。知覺恢復。經云熱淫於內。治以辛涼。佐以苦甘。若以辛溫品辛散之。是拘藥救焚也。

目生雲翳之治法

前人

丹徒某患目。五六日內紅腫如桃。疼痛難忍。晝夜不安。眼內不分黑白。俱成藍色。經醫多人。藍色收成白塊。形圓如豌豆皮。在瞳人之上。纏繞紅係不退。扯牽翳膜。

失明。幸瞳人不壞。至半載有餘。燧揣度病情。恐由初期失治。寒熱雜投。清濁混淆。現雖腫痛。藍色退。而白塊紅絲翳膜。在水輪風輪。牽及氣輪。以致遮蓋失明。察白塊如豌豆皮。在瞳人者。由肝肺二經積熱。上衝至風輪。遂生白翳。如魚鱗鋪砌之狀。牽及黃仁。引血相投。頭額兼痛。漸成重症。至紅絲纏繞。扯牽翳膜。失明者。亦由足厥陰風陽上升。衝入於腦。致眼中腫痛赤澀。頭痛鼻塞。涕淚交流。原肝木熱極生風。衝侮腦筋也。官服瀉肝散。去羌活加丹皮。加味修肝散。去羌活防風當歸。蟬花散。去羌活川芎。荆芥穗。加生地川石斛。霜桑葉。丹皮。蓮子。心石。決明。車前子。燈心等。如痛甚。宜服酒調散。去當歸羌活防風。加川雅連。細木通。蠶砂。活水白蘆根。紅花。松殼。蛇退等品。沒藥散等湯。爲應用特效之劑。需服一箇月。方可見功。外點密蒙花散。須碾細過篩。去粗藥頭。乳至極細無聲。再加大梅片少許。再乳。乳至無可乳。每日以藥微和清潔涼水。點眼數次。以上各方。見孫思邈銀海精微。外治療法。再用安腦祛疾聖藥。一日吹入鼻內三次。每次黃豆許。其功效。刊於紹興醫

報星期增刊第九十五號第六頁上一排。以上各方調理月餘。其病若失。

寒燥津涸之治療

會員 宋心谷

初病齒舌乾燥。或數日後齒舌黑燥。倦臥不熱。或微熱。飲水漱口。兩邊苔白。脉沉微弱。甚則神識朦朧。不必果在秋令。春夏冬俱有之。蓋寒與熱雖大相反。至于其極。則齒舌均現燥黑。以其黑爲天一所生之水。數始于一。窮則反其本也。附案○袁氏年五十餘。日晡惡寒起。翌早舌心乾燥。兩邊白潤。頭不痛。身不熱。神識朦朧。語言支吾。其脉沉微。竊思舌心乃胃之宮。墙脉沉爲主裡。脉微爲陽衰。必寒邪入中。凝結津液。以致主正陽之心火無光故也。以人參四逆一劑輕減。二劑全愈。○史某掃墓歸。惡寒倦臥不食。二日齒燥舌乾。中灰邊白。咳吐淡紅血水。似痰非痰。神識朦朧。語多支離。六脉微弱。蓋心主血。脾統血。血藉陽氣以運行。先後天之陽將絕滅。則胃津與腎液必立就枯涸。心主豈猶能泰然。故血脉盡化隱寒之象。而神明因之喪失。以炙甘草湯去麻仁。加薑附六劑乃愈。○任某舌苔燥黑。直連齦

勝。本色暗紅身不熱。臥不安。神識不清。兼發譫語。脉沉微弱。詢其由來。得病方三日。前用辛涼不應。昨進犀角。黑燥尤甚。此陰陽兩亡之萌。即投復脉湯。去麻仁加薑附。一劑能進粥。三劑而愈。

春雪後多喉病論其原因及治法

會員 錢祖繩

南方少春雪。間有之。則易致喉病。春雪與鵬雪相類。而作用懸殊。蓋雪本大寒。若鵬雪則用以解毒殺蟲。濕熱且冬月人體腠理緻密。不易感寒。故與咽喉少關係。獨春雪則有蟲有毒。有碍衛生。春陽一轉。氣候較溫。溫則腠理疎而玄府開。風溫易容。又值雪降。氣候轉寒。其不時之寒氣。必從口鼻竅而入。則犯肺雪屬水以資飲。飲入則犯胃。春常溫而反寒。爲異氣。肺胃既受風溫。而復爲非時之嚴寒。束縛。則內蘊之溫邪。漫無洩路。循經上擾。種種喉病作焉。故春雪後喉病多於平日也。本年二三月間。敝處西南一帶。以達浙江平湖縣境。患咽喉紅腫作痛甚多。間有雙單乳蛾。若初起不服藥。不慎起居飲食。或初腫時。病家自用元參麥冬細生

地泡湯代飲。初服覺舒。繼而漸增腐爛。以及牙齦臭腐。危象百出。治之之法。若驟以蘇葛荆防表散。恐助火上炎。而蒸腐爛。驟以養陰清潤。則遏邪不化。變幻叢生。惟六味湯一方。治尋常喉症。雖嫌其偏散。而治春雪後喉病。初起一二日腫而未腐之時。最爲適宜。用荆防以發表祛風。則寒邪自洩。殭蚕薄荷能祛肺胃風痰。清散風熱。則喉腫自消。甘草能生肺金。而瀉火。桔梗載藥上浮。瀉火散寒。宣利肺氣。肺金清肅。則氣自下行。而溫熱自除。肺氣宣暢。則束縛之寒邪自散也。服此湯二三劑。邪散白瘰者居多。間有來勢猛烈。寒熱大作。脉象弦數。舌胎黃而兼焦。咽喉漸見腐爛。解散藥中。佐以清化。輕則連翹山梔。重則羚羊石薺大黃之類。又有熱延多日。却燥陰津。舌光絳而乾。或脫液減。去升散酌加承陰。如元參洋參石薺麥冬生地之類。喉症治法。大率始散繼清。惟春令與冬令。用藥稍有不同。春令忌早用寒涼。冬令忌過於升散。此遵內經必先歲氣。母伐天和之訓。蓋以春令陰尙內藏。陽正外洩。若早用寒涼。遏其生發之氣。勢必表陽閉寒。邪從內陷。化火上蒸。盡

趨咽道。咽喉腐爛而危。日有不及腐爛。遂陷心胸。卒致昏閉而死。拙見今春治法。宜先升散。至於冬令封藏。陽氣在內。去歲又值燥命司天。君火在泉。外受寒燥。或內蘊秋燥之餘氣。內外皆燥。孤陰幾難支持。日溫邪最易燥津。一經觸發。表裡如焚。尙可過於升散乎。即有寒邪外束。亦當於升散中稍佐清化。以防重燥其陰。謹將今歲春雪後之喉病。臨診辨察與去冬之喉病似乎稍異。今春虞其邪不出。故主升散去冬虞其陰不濟。故主清化也。

爛喉治法不同說

陸培初

比年來爛喉盛行。死亡相繼。此非不治之症。皆由醫家未能辨別病源。誤藥所致。症分三種。一爲外感實症。表受風溫。病在肺病狀。惡寒發熱。白腐僅在外面。浮面多係白點。不至成塊。舌質赤。舌苔薄潤。身上或有疹。或無疹。宜辛涼解表。用前茛翹貝勃蟬之屬。外治用薄荷真青黛礞砂馬牙硝等研末吹之。一爲內傷虛症。陰虧燥熱。病亦在肺。病狀無寒熱。白腐在裏。而如粉如石灰發。呆白色。初起成點。成

塊一二日即粘連成片。滿布喉間。舌質紅。舌苔或白或微黃或無。而必燥澀毫無滑膩黏涎。治宜涼潤清降。用養陰瀟肺湯之屬。外治用金銀花生甘草象牙屑。珠粉脂甲灰燈心灰等研末吹之。一為內傷實。症濕熱蒸病在胃。而襲於肺。痛狀無寒熱。間亦有寒熱者。必在午後而熱不揚。寒不甚。白腐處帶黃明色。必粘沫滿喉。舌質紅。舌苔厚膩黃滑。重者口噴穢氣。治宜化濕清熱。如三仁湯之屬。或滑石通草子芩茯苓苡仁金果攬山豆根等。外治亦用金果攬山豆根加滑石人中白等研末吹之。其辨別全在舌苔之為燥為潤為膩。以及平素體質大小二便詳察之。三症互誤。均能殺人。大致喉症無不由君相兩火上炎。故清心清肝之藥亦不可少。又火爐香烟實為致病之由。一併附及。

外風內風中風類中諸因論治

名書 理事 胡天宗

人有感冒外風者。邪在肌膚而未傳裡。為至輕之候也。故先哲注認菴曰。輕為冒風。重為傷風。再重為真中類中是也。致冒風一證。較傷風為最淺。邪著皮毛與肺

合。故見惡風發熱頭痛咳嗽鼻塞聲重脉浮濡滑而不緩。皆春令冒風與傷風區別。宜微辛清解。用紫蘇薄荷梗以宣肺。用梗而不用葉。取其微辛力薄。風爲陽邪。極易化火。辛溫忌之。佐牛蒡之辛涼。桔梗之辛平。可解太陰之表。裏衣橘紅。一鬆一透。氣分一舒。使肺暢。則外冒之風自解。如已口渴喜飲。是內潛伏氣脉。數有汗爲風溫。脉緊無汗爲春溫。臨診當慎。不可不知。○傷風者。邪客於衛。頭痛惡風。發熱汗出。脉浮緩。當解肌散表。祛衛外之風。經曰傷於風者。首先受之。故頭痛也。風併於衛而營弱衛強。故發熱有汗惡風。用仲聖之桂枝湯。走太陽之表。無汗能發。有汗能止。白芍護營和陰。甘草調中解熱。薑性之辛能散。棗味之甘能和。又行脾津液。兼調和營衛。其重者襲於經絡。或見浮腫。或乘中少兼裡濕。或四肢歷節痛楚。必風濕雜受者多。合用風濕藥。凡風藥皆燥。輕用無妨。重則慮其化火。此治外風之扼要也。若內風之發。由肝陰虧損。火動生風。上升巔頂。下至足跗。變幻百端。治法則一經以治風。先治血。血行風自滅。昔賢用潤藥濡之。正此意也。如風

陽上旋。爲巔頂痛。頭角痛。目眩。耳鳴。肢麻。齒痛。甚則瘈脈。用首烏。枸杞。桂枝。羚羊。天麻。川芎。鉤藤。桑葉。菊花。胡麻。丹皮。女貞。決明等以治之。內擾肺胃爲咳嗽。爲嘔吐。兼用蘇子。紫菀。枇杷葉。冬蟲夏草以止咳。橘皮。半夏。竹茹。白薇以治嘔。肝主疎泄。不能上升。便爾下泄。則見腹痛泄瀉者矣。外有肝風見證。於治風藥中。輕則參用黃芩。白芍。重則黃連。烏梅。則泄瀉可止矣。若四肢浮腫。或骨節疼痛。在上以輕藥治之。在下則用草薢。菟絲。菴菴。杜仲之四金剛丸。此治內風之大要也。若中風者。如矢石之中人。驟然而至。古人謂類中多而真中少。蓋真中者。一中便脫。爲陰陽脫紐。藥恐不及。如五絕不全見。能延一二日。則參附理中。挽正固脫。或可希冀萬一。偏痺者。爲半身不遂。皆內風爲患。營虛則不仁。衛虛則不舉。治內風藥中。重主黃芪。佐當歸以和營。加玉竹以和衛。口禁以生薑汁。竹瀝開之。閉者由痰閉也。未完

中風(又名腦出血)

醫校主任 楊永超

西醫所稱之腦出血。即中醫所稱之中風。名稱不同。而其所指之病則一。罹此病者。多半四十歲以上之人。幼年患此者絕無。僅有。若以男女比較之。則男人患者較多。

中風大抵皆驟至。患者忽然暈倒。知覺全失。呼之不應。搖之不醒。面呈紅色。汗被其上。呼吸深緩。瞳孔放大。亦或縮小。因此致命者十之二三。然亦有漸至者。即病症未來之先。患者已現不安之狀。爲頭痛、眩暈、惡心、嘔吐、驚懼、眼花、四肢麻木、癢如蟻集。漸至者易防。驟至者難測。緩急不同。其結果亦自不同。

惟第一次中風致命者甚少。大抵過數日或過數時。知覺漸復。而半身麻痺。殊不易治。欲知半身不遂之所由來。須先明神經之路徑。千條萬緒。實非一二言所能道。其詳細縱能詳細述之。而非解剖學。素有研究者。不能瞭然。茲特以最簡單之語申說之。閱者易於領悟。而半身不遂之所由起。不難了解矣。

吾人左體運動神經。係發源於腦系之右邊。而右體運動神經。反發源於腦系之

左邊。明乎此。可知半身不遂在左者。其腦出血處必在右邊。反之。半身不遂在右者。其腦出血處必在左邊。更有一事。須注意者。司言語之神經中央。係在腦之左邊。故患右邊半身不遂者。併失其言語能力。因此等實事。絲毫不爽。凡留心此病者。類能知之。國人患之者不少。治之得法。或可轉危爲安。治之失當。不旋踵而死者。實不乏人。

若論病原。雖非一端。究不外乎血管變脆。蓋年事日高。血管漸漸失其彈性。彈性既失。血壓高時。不能隨之擴張。血壓低時。亦不能隨之縮小。日積月累。即起無數動脈小瘤 (aneurysmen)。動脈小瘤者。即動脈 (因壓高擴張後不能復其原形) 之突擴處也。動脈小瘤既因血管無彈性而起。無彈性血管。其抵抗力薄弱。自不待言。故每遇血壓驟高。輒有破裂之虞。破裂如在身之他部。殊於生命無關。惟腦中出血。不能與他處流血並論。蓋腦爲神經中樞。其組織異常嬌嫩。一受血之壓力。則全身之知覺運動。必致遽爾停止。且腦之四圍。皆係硬骨。遇有壓力。毫無躲

避之餘地。此腦中出血之所以不同尋常也。明乎此。然後可與談治法。

治法極其簡單。令患者頭部高舉。則腦部之血。流於身之低處。腦血漸少。則出血自然亦少。而病亦因之減輕。反之如頭部低下。腦部之血必愈多。則血愈無止期。故每遇驟失知覺之人。其面部發紅者。均多頭部高舉。此理淺而易明。無論業醫者。或不業醫者。皆須留心此術。蓋中風每起於倉卒之間。醫士未必湊手。措置失當。每每加劇也。未完

(藥物類)

六氣用藥

元和紀用經
啓玄子王冰著

厥陰風木。辛涼爲治。以辛調上。以酸調下。必先胃主。必先榮衛。胃主者。生之本。榮衛者。氣之主。氣主既輔。生原無窮。精神內居。病無不愈。精生形盛。不失其機。人迎氣口持道深微。不知胃主。不知榮衛。不可以語奉生之宜。不知人迎。不知氣口。不可以語逆順之合離。

醫 學 雜 誌

己巳 己亥

(上)厥陰辛涼 (中)土運甘和 (下)少陽鹹寒

乙巳 乙亥

(上)厥陰辛涼 (中)金運酸和 (下)少陽鹹寒

辛巳 辛亥

(上)厥陰辛涼 (中)水運苦和 (下)少陽鹹寒

丁巳 丁亥

(上)厥陰辛涼 (中)木運辛和 (下)少陽鹹寒

癸巳 癸亥

(上)厥陰辛涼 (中)火運鹹和 (下)少陽鹹寒

歲主約食五味所宜。六位之主。主勝為逆。客勝為從。客勝則瀉。客補主。主勝則瀉。主補客。客主之部各六十一。居無常所。隨歲遷移。宜補解治。厥陰性理。處用

第八期 雜論門

六十八

增損莫極其紀。法舉一隅三隅可知。化原四月。迎而取之。無使邪勝。以調其正。厥陰之主。先酸後辛。先以鹹瀉。後以辛補。

厥陰司天。風火同德。調下者宜以酸寒。宣解易處。辛涼煥然。衆或可知。若病當

補宜用 車前子 雞臍脰 楮實熟者 秦椒 地骨皮 丹砂 磁石

元參乾生 地黃 丹參 牡丹 澤瀉 戎鹽之類皆歲主所宜。隨證命方。寒補

者倍之。鹹而寒者兩倍之。應運者倍之。運氣主客逆從所賴者三倍之。倍多主病者為君。君以定名。倍少者佐。君為臣。不倍者應臣為使。偽書俗方。非古聖之法者。制用不經。性理乖誤。無驗有傷。慎不可用。宣解之道。咸以為準。

少陰君火。鹹寒為治。以鹹調上。以酸調下。必先胃主。必先榮衛。口口口口陰論奉生之宜

甲子 甲午

(上)少陰鹹寒 (中)土運苦熱 (下)陽明苦小溫

庚子 庚午天符二年同

(上)少陰鹹寒 (中)金運辛溫 (下)陽明苦小溫

丙子 丙午 丙子歲會

(上)少陰鹹寒 (中)水運鹹熱 (下)陽明苦小溫

壬子 壬午

(上)少陰鹹寒 (中)木運酸涼 (下)陽明苦小溫

戊子 戊午 太乙天符

(上)少陰鹹寒 (中)火運甘寒 (下)陽明苦小溫

歲主藥食

同厥陰所論唯改厥陰為少陰

化原一歲十二月期迎而取之無使邪勝少陰之

主先甘後鹹先以甘瀉後以鹹補三月云

少陰司天寒交暑熱加燥寒熱凌犯上熱下清宜補不可造次慎重乃舉解

治安血宜用高婢赤小豆花也 地黃 沒藥 蒲黃 白芍藥 甲香 決明

子 鹽 白僵蠶 粟米 羚羊角 胡黃連 安息香 大菊 羌活

第八期 藥部門

七十

獨活 雌黃 蛇蛻之類

皆歲所宜隨證命方。鹹寒者倍之。治上治下隨其所當者倍之。口口相當者兩倍之。運氣主客逆從所類者三倍之。倍多者為君。君以定名。倍少者佐。君為臣。不倍者應臣為使。云云 同前 未完

(方劑類)

處方法續第七期

理事 楊百城

捨法 捨法者乃捨其舊而從其新之謂也。凡遇痼疾之體。如肺燥宜清宜潤降。則用其清潤。不必問其素有便瀉之疾也。陽明實火宜用石膏而不必顧問其素有胃寒之疾也。此因外感而捨內傷也。又有一種脾胃素弱。慣服參朮。而一時動怒致木鬱於土中。但管瀉木可耳。然竟有不受捨法者。將如之何也。宜就此捨法方中加百合二三錢炒神麴七八分即可安穩而受之矣。又有脈症既符而投藥直如冰炭者。若遇此種症。亦可就本方中加此二味。大概偏血者用百合偏氣者

用神麩爲佳。二味有媒妁之功能。可化仇讐而爲婚媾也。

留法。有留病法。有留藥法。古人所謂大積大聚。治其半而止者。非有始而無終也。蓋攻其半而病軀已憊甚難支。若再盡力而攻。必致氣隨病脫耳。故有治其半之說。一以養回元氣。一以修我甲兵。苟修養得宜。則敵兵不追而自散。此留病即所以去病也。古稱藥不瞑眩。厥疾不瘳。非謂對症之藥。傾囊盡出也。善結網者。必不浪費其繩絲。蓋惜其繩絲。即所以爲補綴之用也。每治一症。即以參芪。然今日用參耆。明日用桂附。將來必致無藥可用。此乃醫者不知留餘地。以此致有此流弊。故立方之先。必思此症以後。應有之情形。或變出病狀。宜先用何法何藥。繼用何法何藥。留一二。有餘地可行。此即留藥法也。亦可以保養元氣。不然一步而不能再步也。

以上各法。大概已備。今將製方主意。再總言之。凡立方或陰或陽。用藥不可夾雜。即或血藥之中。必須加氣藥。則必求古人成法之中。曾有合此配合法。然後下藥。

切勿妄用己見。如金水六君煎。而或加參。則必加麥冬。便可謂之金水六君。如加生脉。則味之可不必全用。但不可獨加參。而拉用方內之地黃爲兩宜。強詞奪理。雖人難得。而指其非。殊不知功用迥異矣。如歸脾湯中加桃仁紅花。以治虛人之積瘀極妙。則可謂歸脾套佛手散。或曰桃花湯亦可。如加失笑散。又何嘗不是一個道理。而孰知相去天淵矣。蓋與八診湯有相混也。是以製方最宜加意。實因古方不能全用。必須棄除妥協。而後可以奏功。倘遇症而恰與古方相合。又何樂而不照本謄錄。而必須自尋煩惱耶。大半今之醫者。既於古方不甚記憶。又於古方立法用意之理。不甚能解。故於立方之時。即隨意填寫。如大黃爲瀉藥。而拉入荆防之中。知地黃之補血。而又拉入蒼朮厚朴之中。全不知病之在表在裏。爲陰爲陽。以意爲虛而補之。又不道地。以意爲實而消之。又無定向。如此安能望其治症救人也。故製方必須有法耳。未完

醫案門

關於心理之療治法

三則

一婦悲夫成病。其兄畫其夫與所私照鏡狀示之。婦恚而詬。悲遂減。病旋愈。

一婦思慮過傷。三年不寢。醫云此膽虛不能制脾之思慮而不寐。與其夫議。以怒激之。婦汗出困睡。蓋怒則膽旺而制脾。故能寐也。

一婦遇盜而驚。自後聞聲即倒。醫作心病治不效。戴人曰。驚者爲陽。從外入。恐者爲陰。從內出。驚則膽傷矣。乃執兩手按於交椅上。當前置一几。謂之曰。娘子當視此几。猛擊之。婦大驚。連擊而心定矣。戴人曰。驚者平之。平者常也。常見必無驚矣。夫驚者神上越。從下擊几使之下。視所以收神也。

關於真寒假熱之證治

三則

韓天爵醫案。山妻年三十餘。十八胎。九殞。八夭。會先君松潘難作。賤兄弟皆西

奔。妻驚憂過甚。遂昏昏不省人事。口唇舌皆瘡。或至封喉。下部虛脫。白帶如注。如此四十餘日。或時少醒。至欲自縊。自悲不能堪。醫或投涼劑解其。上則下部疾愈甚。或投熱劑。及以湯藥薰蒸其下。則熱暈欲絕。四弟還脈之。始知爲亡陽証也。大哭曰。宗嗣未立。幾誤殺吾嫂。急以鹽煮大附子九錢爲君。制以薄荷防風。佐以薑桂芎歸之屬。水煎入井。冰冷與之。未盡劑。鼾鼻熟睡通宵。覺即識人。時止一嗣子。二女相抱痛哭。疏戚皆悲。執友趙憲長驚曰。君何術也。弟曰。方分有之。假對假真。對真耳。上乃假熱。故以假冷之藥從之。下乃真冷。故以真熱之藥返之。斯上下和而病解矣。嗣後主以女金丹。錯綜以二三方。不但去其病。且調治元氣。庚午生一子。今應襲也。壬申生一子。去年又患瘧疾。十三月。亦主以調元氣。養生氣。待飲食大進。然後切以毒藥。吐下塊物甚多。授以附子湯三錢而愈。不責效。且暮間。其用女金丹。即勝金丸也。倍加香附而視氣血之偏者。又加薑黃條芩。倍川芎之屬。取效甚多。予念無子者。往往有之。翻思予得子之難。其苦何如。乃次第錄其方。并女

金丹以濟人云。

醫 李士材曰。休甯吳文哉。傷寒煩躁。面赤昏亂。悶絕。時索冷水。其弟日休。求余診視。手揚足擲。五六人制之。方得就診。其脈洪大無倫。按之如絲。余曰。浮大沈小。陰證似陽也。與附子理中湯。當有生理。日休駭曰。醫者十輩至。不曰柴胡承氣。則曰竹葉石膏。今反用熱藥。惡乎敢。余曰。溫劑猶生。涼劑立危矣。日休卜之吉。遂用理中湯。加入參四錢。附子三錢。煎成。將藥碗置冷水中。候冷。與飲。服後一時狂躁定矣。再劑而神爽。服參五斤而安。○張壽甫曰。按此案中有日時索冷水。而不日時飲冷水。蓋索未必能飲也。

誌 喻嘉言曰。徐國楨。傷寒六七日。身熱日赤。索水到前。復置不飲。異常大躁。將門牖洞啓。身臥地上。展轉不快。更求入井。一醫急以承氣湯與服。余診其脈。洪大無倫。按之無力。謂醫者曰。此用人參附子乾薑之證。奈何認爲下證。醫曰。身熱日赤。有餘之邪。躁急如此。再以人參附子乾薑服之。踰垣上屋矣。予曰。陽欲暴脫。外顯假。

熱內有真寒。以薑附投之。尙恐不能勝回陽之任。况敢用純陰之藥。重劫其陽乎。觀其得水不欲。讎情已大露。豈水尙不欲。讎而可用大黃芒硝乎。天地煖蒸。必有大雨。此証頃刻一身大汗。不可救矣。惟用薑附。可謂補中有發。並可以散邪退熱。一舉兩得。至穩至當之法。何可致疑。吾在此久坐。如有差誤。吾任其咎。於是附子乾薑各五錢。人參三錢。甘草二錢。煎湯冷服。服後寒戰戛齒有聲。以重綿和頭覆之。縮手不肯與診。陽微之狀始著。再與前藥一劑。微汗熱退而安。○張壽甫曰。陰急似陽。其証百中不一見。愚臨証數十年。亦未嘗見。其証之少可知。至陽極似陰。外面雖見大寒之狀。仍須投以大劑寒涼。愚曾治過數次。前哲醫案中。亦多有之。宜與右列之案對觀。庶可分辨陰陽於毫釐之間云。

報告門

覆省署研究徐溝離石兩縣報告發生時症

(上略)承示徐溝離石兩縣各報告發生時症。囑為研究治法。茲將治療方法分別列後。

(一)徐溝縣報告發生之症。起初頭部發熱。鼻孔不通而流清涕。據此似有外感。喉關初起發白。殆至擁腫。則不可救。查其來勢之速且險。應係白喉。白喉主方。為養陰清肺湯。生地一兩 麥冬六錢 白芍四錢 薄荷二錢 牛但感冒重者。宜先疏散。溫毒重者。尤當宣通。若驟用寒涼重墜之品。恐毒內陷。原電未將舌色及大小便一切報告明白。殊難懸揣。姑擬一方。取其無流弊而已。桑葉 三錢 元參 三錢 麥冬 三錢 黃芩 二錢 薄荷 二錢 連翹 三錢 牛蒡子 三錢 浙貝母 三錢 人中黃 二錢 葶藶根 三錢 初起刺少商穴。在手大指內側。去甲一韭葉。刺出微血。勿

太深刺後服藥

(一)離石縣報告發生之症。頭疼或暈。發熱嘔吐身困。查其為冬溫現象無疑。本會第一期雜誌載有平蒲等縣時行溫症治法。第三期雜誌載有浮山縣發生冬溫症治法。均可採擇酌用。惟原電有死者。口鼻均出血水一層。若非失治。毒血妄行。即係誤服辛熱表藥。遇此多不可治。茲擬一方。銀花 四錢 連翹 四錢 牛蒡 三錢 石膏 五錢 黃芩 二錢 葦莖 五錢 芥穗 一錢 浙貝母 三錢 竹葉 三錢 桑葉 三錢 山梔 二錢 若口鼻出血加茅根 一兩 童便 一碗 若鼻衄紫紅色。並非血水。或身出斑疹。均係佳兆。以其邪毒外出也。

又研究平遙縣監獄發生黃病

承示平遙縣電稱。縣監獄及看守所發生一種黃病。初起頭痛身熱。三五天即脚腫。甚者腎囊亦腫。二三天頭部發黃。漸及全身。小便不通即死。其死者均係吸烟丹癮深者等情。囑會查明所開病症。酌擬治法函寄。以便療治。本會研究此病。係

夏秋之交濕熱氣蒸多生黃疸症濕熱流於膀胱氣鬱不化則腫脹發黃小便不利。當用加味茵陳五苓散治之。酌擬一方。猪苓二錢製蒼朮二錢茯苓二錢澤瀉四錢柱枝一錢山梔一錢連翹三錢茵陳七錢研極細末。每服三錢。開水沖下。隔三鐘服一次。惟此方施於平人患此病者。十愈八九。若有煙癮之人。得此病。雖用此方。亦恐難於奏效。或參用和平戒烟丸之處。臨証時自行酌之云云。

又研究襄陵縣報告發生疫瘡

承示據襄陵縣報稱。縣屬近日瘟疹流行。俗名穀兒瘡。眼腰肛門兩膺等處疼痛。疹子先紅後黑。皮乾數日即斃。又有痘癩泡子。亦係先紅後黑。亦數日或十數日而死等情。囑會迅速研究療治方法。查溫熱風疹。並不甚傳染。其傳染者。兼疫氣也。一冬亢旱。邪熱內伏已深。蘊至夏令始發。毒氣重極。初起先宜清解。用銀翹散加減薄荷葉二錢。荊芥穗二錢。炒牛蒡三錢。苦桔梗二錢。金銀花三錢。大連翹三錢。細生地二錢。大青葉三錢。粉丹皮二錢。元參二錢。葦根四錢。鮮者尤好。竹葉二錢。生

甘草 一錢 感受輕者服此方二三劑後疹紅色正漸次病愈其感受重者必兼有

面色紅赤而青慘忽汗忽嘔神昏譫語頭痛腹痛泄瀉煩渴等現象來勢甚重服

前方一劑若無大效而身現瘡疹是謂疫瘡急投以清瘟敗毒飲生石膏酌用一二兩

小生地酌用五六錢 烏犀角酌用二三錢 川黃連酌用二三錢 生山梔 三錢 苦桔梗 二錢 條黃芩 二

錢半 赤芍 二錢半 元參 三錢 連翹 三錢 丹皮 二錢半 大青葉 三錢 粉葛根 六分至

淡竹葉 三錢 甘草 錢半 先煮石膏數十沸病重極熱甚者即加至三四兩均可後下諸藥若係疫瘡

服此藥後煩渴必減可免變症若有塌陷之狀原方加升麻三五分至於業已發

黑及見黑血者毒氣下陷難以挽救云云

通訊門

劉筱雲先生致本會書

〔上畧〕茲將昔年呈遞公府請願書稿一紙，並錄批詞，郵呈察覽。此稿係由李摺臣先生撰擬，迨鄙人到滬時，據余君伯陶云，此人現任貴省財政廳缺云云，故未謀面。若然，則諸公當有識其人者。此文理由充足，議論精確。若今其久於韜秘，轉晦瑾瑜之光，似深可惜。尚祈審核附印，庶幾不負作者苦心云云。

附 神州醫藥總會請願書

為請求建議
呈為懇請 提倡中醫中藥。准予另設中學醫藥專門學校。以重民命而順輿情事。竊惟神州醫藥，胚胎於黃農，萌芽於歧尹。其時以君相之尊，倡導於上。不知幾經剖解，幾經化驗，始能知藏府脈絡之形，補瀉溫涼之性。留此仁術，以活萬民也。沿至有用，設為專官。歲會月稽，十全為上。故得名醫輩出，如扁倉和緩。

之倫。皆能洞見癥結。力起沉疴。史冊所載。神奇莫測。誠有非後賢所能夢見者。非必古智而今愚。蓋在上者。視生命爲至重。有以倡導而策勵之也。秦漢以降。古法漸淪。非無讀書明理之士。任抱殘守缺之功。然異說之簧鼓。庸流之雜廁。在上者概視爲無足重輕。不加別白。一任其人自爲教家。自爲師衆。論紛歧。各是其是。以致學說不能統一。貽笑於西人。非醫學之不善。實立法之多疎耳。果使仿成周醫師之制。參以泰西學校考驗之法。去非存是。精益求精。則僉跗華陀之輩。不難復見於今。日今者民國肇始。力圖自強。我國醫藥人材。方將與世界各國。競勝爭雄。而○教育部定章。於醫學課程。獨取西法。不及中學。此雖迫於世界進化之大勢。別具苦心。然會員等愚。以爲醫藥爲衛生強種之要素。與國計民生有絕大關係。速舉中醫中藥。切實整頓。則可。遽加淘汰。則不可。且證諸日本改革之近事。維新之始。各縣醫學學校。均有中醫一科。長崎市場之醫學。尤爲專研中國醫藥之地。可見中醫一科。雖以日本今日之銳意改革。尙不

憚研究以資醫學之參攷。蓋有不能偏廢之重要理由在。請爲○貴院大部縷晰陳之。夫學問之事。必互相淬礪。其進步乃速。西醫以解剖化驗之學著稱。於藏府之形象。藥物之原質。實能言之鑿鑿。無可疑者。其實解剖之學。我國內難兩經已開其先。中古以後。禮教昌明。仁人孝子之心。不至以先人之遺體。痛遭毒割。故斯學遂廢。此實禮教之大防。非習於醫者之錮蔽也。至經文藏象等篇所載人體內外構造之形。與泰西新說。偶有微異。此非聖經之訛謬。實緣傳寫之失真耳。夫以五經四子之書。經數千年經師之考訂。而字句之襲謬者。尙十二三。况醫經之乏人校勘者乎。此固宜甄彼之長。以藥吾之失者也。至於五方高下之宜。八風溫涼之變。隔二隔三之法。從治正治之方。變化圓融。機深莫測。此實吾之所長。足資西醫之考鏡者。蓋西醫重形質。中醫重精神。實病之確有可指者。固能以剖驗得之。至於六淫之虛邪。精氣神之損益。無跡可尋。恐非己死之齒脣所能舉以示人也。故西醫能治直接之實病。而於治間接之變病。則不如

中醫。此不得不取我之長。以助西醫之進化者也。總之借西醫之解剖。以徵中醫之經驗。則可廢。中醫之經驗。以徇西醫之解剖。則不可。此攷之學理。中醫必宜提倡之理由一也。

黃帝興四方之問。岐伯舉四治之能。西北高燥。東南卑濕。北方剛勁。南方柔弱。其氣質既殊。斯施治亦異。故宋元四大家。或主汗下。或主補益。非緣立說之偏。實爲因地制宜耳。夫同處一洲之內。猶復南北異宜。况遠隔瀛海而遙。豈能彼我一致。且西人尙肉食。其藏府堅而腠理密。華人尙穀食。其藏府脆而腠理疎。故水水浸灌之法。鹽精注射之能。劫奪攻瀉之方。金石煅煉之品。施之西人多獲效。而施之華人輒憤事。此無他體質強弱之不同耳。若必欲強而一之。則斷斷不可。此徵諸稟賦懸殊。中醫必宜提倡之理由二也。

夫政府之舉措。當視民心之向背。以爲衡。果使五族之民。信西醫者多。信中醫者少。則中醫雖廢。民亦無苦。今則非特偏隅下邑。類多怵於西醫之雜霸。望而

却走即通商大埠西醫林立。而求治於中醫者尚十倍於西醫之門。使西醫皆善生人。中醫皆善殺人。人無不惡死而樂生。亦何必棄彼而就此也。蓋西醫之良者。用藥猛烈。實有速效。然治之偶疎。挽回無及。且所處方劑。不列症案。所用藥品。人多未達。是以畏而不敢輕嘗。此徵諸社會之心理。中醫必宜提倡之理由三也。

且就我國之現勢論之。專重西醫。非有十萬人不足以供全國之用。此項培植之費。暨藥學化驗之需。合計非數萬萬元不可。此等鉅資。已屬兩難籌措。且曠日持久。至速亦須二十年方能有成。此二十年。中西醫既不敷分布。中醫以將就淘汰之故。無復上進之心。則人民之生命。必大受損失。且恐東西醫之淺陋者。乘瑕蹈隙。以來操吾全國之生命權。此則尤可慮也。若就此時機。提倡中醫。策其上進。需費既少。收效亦易。俟兩方人材鵲起。互相觀摩。可收溝通之效。此徵諸我國之現勢。中醫必宜提倡之理由四也。

且神州醫藥富於天產。耕山漁水。俯拾即是。其流行於中國者。固難得其確數。即就最少之預算計之。每邑歲銷二十萬元。則合全國甚得四萬萬元。統計十年。當得四億萬元。其輸出各國者。若大黃石膏之類。尚不在此數。今若偏重西醫。則中醫必歸銷滅。是絕我商民四億萬萬利源。而為西人增四億萬之輸入。此八億萬之鉅款。吾國當窮困之餘。尙堪再受此剝削否耶。政府縱不為億萬之商民計。獨不為國家之利源計乎。且中藥品類。百倍泰西。一經研求。必有足供西人之採取。而為輸出之大宗者。此徵諸財政之關係。中藥必宜提倡之理由五也。

凡此諸端。會員等合海內名流。共同討論。衆議僉同。徵諸各界意見。贊成者亦十居八九。用敢不揣冒昧。合詞○請求貴院呈請統籌全局。准予提倡中醫中藥。除前次西法學校業已頒布通行外。請再厘定中學醫藥科目。另頒中學醫藥專門學校規程。一方以西法補助中學。一方以中學補助西法。相輔而行。互為砥

礪。可以富國。可以強種。實於國計民生。大有裨益。如蒙○贊同俯允。則會員等當益加奮勉。共負責任。其進行之籌辦。厥有數端。

一則設立中國醫藥書編輯社。匯集名流。互相討論。源本聖訓。採輯百家。去其繁冗。刪其偏駁。編成各科講義。及歷代醫案。歷代醫藥書提要。歷史沿革醫藥字典等書。呈請○教育部審定。頒行天下。共同遵守。以求醫藥之統一。

一則開設醫院。以資實驗。中西並重。比較成績得失相衡。使優者獲交換之益。劣者興奮勉之思。以求醫學之進化。

一則分設補習學校。培植人材。以爲升入專門之預備。

一則規定診察手續及方案程式。以免醫家之粗率。而堅病家之信從。

一則刪補丸散膏丹暨各項藥品畫一仿帖。詳論性味治驗及用法。並炮製收藏各法。以杜藥肆之冒濫。而得方劑之真相。

一則設立醫藥藏書樓。藥品陳列所。以供各界同胞之參攷。

一則設藥品化驗所。用西人化分化合之法。辨其性質。提擷其精華。以供醫家之配合。

一則編輯醫學報。參攷中西異同得失。並譯述各種生理解剖衛生理化諸書。溝通中西使舊者知墨守之非。新者獲砥礪之益。以爲增進智識之導線。凡此數者。造端宏大。固非一蹴所能幾。然既合衆志以成城。萬不致半途而中輟。所望○貴院大部通過。各界贊助。則會員等振發精神。共效壤流之助。似於強國保種。不無裨益。至庸醫偽藥之誤人。應如何取締之處。乃內部分行政範圍。自有醫師法及衛生警察法之規定。○大部爲全國教育總司。必能下順輿情。俯加採擇。當無畸輕畸重之虞。所有懇請建議提倡中醫中藥。准予另設專門學校各緣由。除向教育部呈請外。理合抄具簡章。呈請俯充批示。祇遵。不勝迫切待命之至。謹呈。

附錄國務院批答神州醫藥總會批詞

國務院批第三十五號原具呈人神州醫藥總會會長余德堯等奉大總統發下原呈閱悉查中國醫學肇自上古傳人代起統系昭然在學術固已蔚爲專科即民生亦資其利賴前此部定醫學課程專取西法良以歧行不至疑事無功先其所急致難兼採初非有廢棄中醫之意也來呈述理由五端尙屬持之有故擬辦各事亦均具有條理除釐定中醫學校科程一節暫從緩議外其餘各節應准分別籌辦仍仰隨時呈明地方行政長官立案俾資查考而便維持此批。民國三年二月登載北京政府公報

此民國年二癸丑冬神州醫藥總會赴都請願理由書稿也爲李摺臣太史暨徐相宸君秉筆復經會長余伯陶君等審查其時予忝代表廣東醫藥界偕各省同業到京由惲薇孫學士毓鼎介紹同謁教育總長汪大燮呈遞乃汪堅拒不納同人咸憤旋繕呈公府始獲批准登錄政府公報此稿理由充分議論精確因虛口久散失值山西刊行醫學雜誌乃專郵附印表而出之

第六期 通訊門

不負作者意也

民國十一年壬戌四月劉筱農識

九十

周筱農先生致本會第一書

(上略) 公同要求內務部管理醫士規則修正

原則見本年四月
紹興醫藥學報

前擬徵求全國中醫學會改正內部管理醫士規則之駁議後瞬已浹旬今者無錫中醫學會有清和二十二日開會徵求意見以資應付之通知乃復取規則二種推測機倪正告我全國中醫學會同志曰拙意速請將意見書彙齊審定後公同要求必須理由堅確步趨一致若聯單奉天等省早已行之(紹興亦行夾以炭紙鉛筆書之)或難取消但要緊關鍵在第三條第十二條第十三條第十六條必須修正方可實行第三條弭害之防在不濫二字第十二條與醫師規則較恐難公正第十三條必須修正至警廳將案方送地方醫會評議杭州紹興皆有先例第十六條查醫師規則無此徒滋紛繁亦宜修正詳列理由修正文於後以待公決

(第三條)四、有醫術智識經驗下加文曰：以家傳師授儒醫爲限，倘係商販藥夥、私塾師巫，宜加取締，切勿濫發保證執照。

(理由)中醫之學術發明新理，以家傳師授儒醫爲多，而壞於一知半解之商販藥夥、私塾師巫等，倘得嚴格甄別，不予保證，禍機可塞，但中人少公德心，須防濫予保證，濫發執照。

第十二條修正……不能執行醫業時，應由該管官廳交由地方中醫學會審議後，暫令停止營業，但如欲追繳執照時，應經全省中醫大會之審議。

(理由)地方有中醫學會，不能因三人保證，遽予處分，至追繳執照，更宜省會審定，萬非三人與警廳可以斷定。

第十三條修正：醫士宜各備診療簿，記載病人姓名、年齡、病名及治法等類，以十年爲保存期限，遇有藥方攻訐，該管官廳宜將全方案送入地方中醫學會，共同評議，詳復公正處治。

(理由)取費由入學術信、萬難一例、查醫士規則無此例、宜予取消、末段勘定、警廳人員、非明中醫、不能標準、錯誤、况醫治各有學理、病有兼挾、治有正治兼治、複法、他醫見識不齊、口頭批評、即為嫉妬、警廳人員執行處分、事難妥協、

第十六條修正、醫士如診斷傳染病或急死症、應指示消毒方法、令其隔離、並應向該管官廳據實報告、

(理由)查醫士規則亦僅傳染急症死產隨時報告、若醫士月必報告、徒滋紛擾、應與醫士同等待遇、勿令歧視、

(附白)又讀五月十七號新聞報、管理醫士醫師規則之實施、附實施手續、令飭至遲三月內實施、其邊遠地方、五月內一律呈報云、事機急迫、急待修正、請亟登貴雜誌通訊門、以資研究、而便聯合、應付云云、

第二書續擬修正內部管醫士規則共同要求

前擬修正第三條第十二條第十三條第十六條、諒蒙鑒定、查第三條暨四項並

取具保證三人預存挑剔取銷之機連環保結顯具危機如診死症且累保證牽一髮而全身動是醫士之人格并三人而失之也保證猶之商業保人銀錢虧空代任重責非僅二百金之罰款也警廳公務名譽係焉束縛醫界可為酷矣又查第十七條第二十條第二十二條均須修正謹具續擬修正及理由又加則務望公決

第十七條修正醫士如無法定之正當理由遇死症不得斬予無方之診斷書

(理由)原文暗晦宜加修正

第二十條修正醫士如為法醫關於公務有應遵從官廳指揮之義務診疾醫士不適用之

(理由)醫士非法醫須檢驗日趨公庭且有診務如何棄民病不診而聽訟官廳以致病者失望

第二十二條修正警廳如遇醫士藥方攻訐應將方案送地方中醫學會評議詳

復如須追繳將執照送醫中學會暫存俟全省中醫大會審議後再定取消與否。
 (理由)醫士或學校畢業官廳考試家傳師授儒醫等學術經驗各有成績警廳非明醫不能草率繳照剝奪權利。

第二十八條(加則)本規則頒布後應由地方醫士組織醫士會其章程由地方醫士詳定後呈請公布之。

(理由)醫士亦宜組織醫士會以資改良而廣學術。

時逸人先生致本會書

(上略)答杭州沈仲圭君問醫書 規定醫書以作維一之宗旨俾學者有所遵循。此舉洵非易易。蓋吾國歷代醫書多半出於私家之著作。意見各歧紛紜無定。欲求統一之辦法非重加編訂不為功。茲將管見對於中醫改革編定書籍之主張特略述於左。一(全體學)凡解剖生理組織胎生等屬焉。二(病理學)凡病原病機病變等屬焉。三(診斷學)凡滙通比較實習應用等屬焉。四(症治學)凡內

科外科婦兒科之治法屬焉五（治療學）凡各種之療法屬焉以上五種乃中醫之大綱實習之基礎但於症治一項尤爲醫者必須之智識請先詳之餘容另佈

（症治學沿革及流弊）國醫診治學發其端者以傷寒金匱二書爲嚆矢。千金外臺繼其後而推廣之。迨聖濟準繩金鑑等書出。症治上更爲完備。乃後世醫者。心存私利。爲捷便計而不爲學識計。所以惟以方藥爲重。如活法機要金匱鉤玄諸書。雖出於名人之手。而攷其實際。已漸趨於市醫之惡習。若近世之醫方捷徑。醫方集解湯頭歌等類。久已不蹕而走。凡業醫者莫不家置一編。以爲得此一編。爲衣食口腹計。亦已足矣。然其缺點甚多。自知不足應用。於是廣求驗案。以資攷証。乃一般醫者。以爲編集驗案。既可以鼓吹虛名。且消場甚大。坐可獲利。故肆其伎倆。全力注重於此。所以現今書肆中醫案之發售者。大有不可嚮邇之勢。然醫案愈多。學者之心愈亂。試觀和人有言曰。潛心向學。心慕名醫之奇術。而卒之杳無所得。終於俗醫者甚多。嗚呼。安見其不爲醫案之所誤耶。國醫之所以不振者。

又安見非此之故耶。余嘗謂症治學爲學者初步。則全體病理等書。幾無人過問。醫學乃大壞矣。醫方醫案等書爲學者初步。則症治書籍。又無人過問。醫學又大壞矣。其變無窮期。其壞無底止。抱整頓術者。何能已於言乎。

又論歷代醫書各有所偏。從來無一偏之病。而後無一偏之藥。則無一偏之醫。亦無一偏之醫書矣。故凡醫書者。皆歷代一偏之醫所作也。然非醫偏也。因病偏耳。亦非病偏也。實緣天時有春溫夏熱之不同。五運六氣之迭轉。地氣有南北燥濕之各異。陰晴風雨之不侔。人類有老少壯弱之等別。膏粱藜藿之殊途。若欲求其概一也。烏乎可哉。故歷代諸家之書。自後人觀之。所以皆覺其偏耳。即如以金元四大家而論。劉河間恪守苦寒。李東垣例行溫燥。戴人輒投吐下。丹溪法重滋陰。在管見者觀之。必謂其各執一偏。各以一隅自守。在明眼者觀之。必謂其各有所宜。各有所當。惟知其各有所當。則知其所立方論。皆爲當時一偏之病而設。非爲後世普通治療法也。降此而下。如趙養葵張景岳之功專溫補。葉天士吳

翰通之法取清靈。徐洄溪陳脩園之泥古。王孟英唐容川之趨時。亦皆各有所當。不過維時補偏救弊之計。非足爲萬世準繩。乃後人誤會其意。以爲前代名家。自可依據。於是僅誦一家之言。而不求博覽。遂致入主出奴。互相訾詆。紛紛擾擾。醫業中釀成各守黨派之世界。言熱者廢寒。宗潤者遺燥。未辨病原。先存藥見。其治愈者。惟賴病合藥耳。不然則莫可云何矣。豈非生民之厄運耶。故不佞以爲欲革此積習。非編訂書籍不爲功。

張龍之先生致本會書

(上畧) 治啞吧一法。古今諸書。罕有發明。此證有三種之原因。

(一) 雖乳孩提至七八歲童子。尙未開口言語者。此屬胎啞。不能治。縱治可開半音。(二) 半途所得。或因驚風而啞。或誤服驚風錠子而啞。(錠子有生南星生半夏截痰諸品) 由此之悞極多。(三) 大病後失調攝而啞。但逢開語言後而啞者。悉能治之。惟年齡已及二十四五歲。不能療也。其餘七八歲至二十歲以下之年。

紀者。只要半途而得。多至三五月。悉能起啞開音。惟病家無耐煩心。或父母溺愛其子女。而不能忍針時之悲啼者有之。或針一次。童子哭鬧一次。以致不能收全效者有之。抑或過於苦寒。無力住院。而時日又嫌其太長者有之。總之疑信參半居多。所以十有四五。中途輒止耳。若論此症之根源。一由丹田賦質。先天元陽之不厚。脾土火化之不力。致使穀漿不化精髓。而作結痰。痰愈結深。則愈築清道。膀胱及腎。支絡與孫絡。原有之精氣。不能由三焦上升。接續心胞之總持管。腦氣與心竅。又經隔膜不相通。而成胎啞者此也。一由右腎元陽真火秉賦原有之不足。（爲水不足尙能語。火不足則難言。往往病者懶言憎食。命火衰故也。時醫認爲中氣虛。參芪爲良方。桂附爲禁劑。大謬。又有無病之人。性不愛多言者。以及近視眼。皆火衰故也。）如命火不乏。或因病後失調。是必血瘀痰滯。而三焦玲瓏脂（即網油也）氣淤築塞。任督升降路。輸運不靈。遂使命火不能上滋於心胞。達於舌本。而成病啞者此也。一由腦氣筋素來秉賦有虧。（晚年得子者類此）加感寒

邪。或積暑濕。醞釀腦中。久結痰滯。則清血不行。而濁瘀障礙。致使水火真元之生氣。不能上通於腦筋之孫絡。隔絕舌本之津竅。所謂支絡氣通。孫絡氣塞。而成半啞者此也。其見證口不能語。耳不能聽。心慧而神明。事知而難作。雙足常冷如冰。兩耳常閉無聽。是以十啞九聾。未有啞而不聾者。治法因形治證。非止一途。今略露端倪。以備參考焉。其法先開腎中之原穴。太谿是也。針以酒灸。非艾灼也。次開脾之大絡。公孫是也。灸如上法。再次三陰交。神門。清冷淵。消燦等穴。均不可少也。以下諸穴。務施芒針。針而勿灸。呼吸留止。因形施用。未可膠執。總之在乎手術。提按迎隨。以及彈努循搓。催氣之工得當。庶克奏效如響。未完

張叔彭先生致本會書

（書畧）仿西法藥品精製丸散說。

今夫人類寄於天地之間。六氣相感於外。七情交迫於中。其得免於疾病者能有幾人。故中國重養生。而西人重衛生。或曰養生與衛生有別乎。曰有別。所謂養生者。

以爲人之體質調養愈厚。則元氣旺而疾病少。故以藥物常服調理爲養生之品。所謂衛者。如衛國然。防衛偶疏。強寇即乘機而入。人生衣食住之用品最易生微生虫。即傳染病之媒介。吾人忽而不防。西人視爲人生之仇敵。不容一日侵犯其身。故曰衛生衛生與養生無不有賴乎藥物。似異而實同。然衛生學能防疾於未來。不能祛疾於現在。能祛現在之疾者。固莫如醫與藥若也。然良醫有時而難逢。良藥儘可以預備。近年西藥盛行。西法醫家視病不開方劑。俱以藥水及藥丸爲治。但西藥喜用礦質。性剛烈。每服僅一二丸。藥水用二三匙。以少許勝多許。無中藥煮劑之煩瑣。服者便利。信從者衆。吾國設藥肆者。既非醫家。製藥者又少。藥物學之研究。墨守舊法。每服丸劑。非三四錢不可。殊勞脾胃之運化。或因此而飲食減少。且婦女孩童。或因丸太粗。或因味太苦。往往不善吞服。鄙人因時勢所趨。思欲振興國貨。非改良製法。以合時趨不可。因取前人經驗良方之見於各醫書。及醫案醫話筆記等書所載。苟有奇效之方。均揀選中國各省道地藥材。擇要照

方製備。以應病家之需用。以補各藥肆之未備。或提煉精液爲丸化服。即可成爲藥汁。而少渣滓。或仿西式以粉爲衣。如芙蓉大。每次吞服數丸。較每服三四錢者爲便。或爲粗末。遵古方而爲散。即煎煮不便。開水沖泡亦可。或爲細末。既可內服。又可外敷。或提取精液。製成膏露藥汁。或蘊釀精華。製成油酒茶糖。外治者有藥末可敷。有膏藥可貼。止癩則有蛋可握。止血有棉可罨。形式頗多特別。製法參合中西。配合時不惜工本之重大。製煉時不嫌手續之煩瑣。但求對症治病。功效立見。夫藥以衛生。衛者防也。只能防患未然。備藥以待用。設遇中風霍亂急痧喉痧危險各症。如無預備。購取遲延。即誤人命。或至窮鄉僻壤之區。馬足船唇之地。設倉猝醫藥難求。苟行篋有預備。即可頃刻奏功。鄙人有鑒於此。對於人身內外諸症應用之藥。無不研究製合。分裝大小各式瓶匣。俾家居旅行可隨時任便採購。各界衛生諸君其注意焉。



 麻醉術 續第七期

楊永超

麻醉藥所以成麻醉之原理。則因其具有一種愛力。喜於脂肪類物。溶解其本身。而與之同化。考神經系。乃含脂肪類物者。故一遇麻醉藥。則起化合作用。而造成。理化學共同之化合物。致令神經細胞中毒。以趨於傷亡。此其概略也。又考人之大腦。最易受麻醉藥之毒力。而延髓對之。極有抵抗力。故最不易侵害。是以當使行麻醉時。先見其大腦系所管轄之運動界。知覺界等。一概入於麻痺狀態。反之。所受延髓統御之生活中樞。仍在運用自如。然若使此時麻醉藥有加無已。終必致延髓同歸於麻痺。而死亡之機。亦即在是。故執行麻醉術者。當知麻醉藥能生危險。及危險將至時之預兆。並須預備以切救急之法。以防不測。否則中心無主。病者殆矣。

執行麻醉之先。須令病人之胃部。空無食物。在六小時之前。當截止進食。前此三小時。即飲料亦禁絕之。如料其胃內尚有食物存積。則當以曲注管導之使出。否則恐當麻醉之際。病人猝然嘔吐。致所吐物竄入肺部。成吞咽肺炎。或竄入氣管。而有致死之危。此於割治迴腸病時。尤須審慎及之。至凡物件之有礙呼吸者。若衣服若假齒等。悉當除去無遺。然後使病人仰臥平正。或上體墊高少許。但非不得已時。萬勿使頭部昂起。若夫正在麻醉之際。忽然起坐。則尤所切忌。

執行麻醉之人。照例以一手執面具。以一手執滴麻醉藥之瓶。此外當預備何斯德氏或羅莎氏之破口器。及鉗舌器等。又小水盂一個。以備嘔吐時應用。再備巾布一塊。以便楷拭。更備小塊紗布。以備楷喉部。萬分危急之時。須行使氣管切開法。此雖應在計畫之中。然行使者實寥寥也。

上不云乎。哥羅方之爲用。遠不如伊太蓋從多數人之好惡而定。豈涉非必其物之果不適於用也。以余觀之。哥羅方實爲麻醉之聖藥。惟用之不得其當。斯蒙其

害豈哥羅方之罪哉。

哥羅方之用法。非採單獨制。乃與他藥混合爲用。若能謹慎管理之。凡爲醫士者。當能知其妙。蓋哥羅方本來性毒。惟其性毒。故其麻醉力亦較強。而不時發生危險。人乃生懼心。熟計之。苟能嫻習其用法。畧其害而計其功。則哥羅方甚便於用。並無危險。且增一管理毒物之經驗。後雖遇有毒如哥羅方者。亦不難運用。豈非學一知二。總之哥羅方之有無危險。全視管理之得法與否。非其藥之絕對有危險也。執行哥羅方麻醉法。例用一愛司馬氏假面具。其具乃一金係網。以法蘭絨覆之。或用密織之縹里高陀紗亦可。式樣甚繁夥。惟索邁佈施氏之式最稱適用。蓋以其所用之縹里高陀紗。可以簡單手續脫易之也。用時即將假面具覆罩於病者之面部。然後由滴瓶將麻醉藥滴於其上。初時緩滴。後即速滴。之約一分鐘。滴至三十滴多。或至六十滴。惟時病者宜作緩和之呼吸。或使計算數目。如一二三四等。以調和其氣息。則由此漸入麻醉之境矣。又有各式器。能分配哥羅方

與空氣成一定之用量令病者吸入甚爲美備

醫上述之器具茲舉一最舊式者醫楊爾氏之式其構造乃一硬橡皮之假面具通一橡皮管而橡皮管又與一風櫃相接風櫃中蓄空氣以力壓之則空氣由橡皮管可達假面具惟中途尙醫經過一瓶瓶盛哥羅方空氣過此即挾之以前進假面具處尙有瓣狀風門意在使已含哥羅方之空氣復以大氣衝淡之至於呼出之氣另有瓣門以備洩出此外復有樣式相同之器具於哥羅方之分配尤爲準確爲葛佩蘭氏所發明。未完

雜俎門

唐崔魏公云。某夜暴亡。有梁新聞之。乃診之曰。食毒。僕日常好食竹雞。多食半夏苗。必是半夏毒。命生薑搗汁。折齒而灌之。乃活。

金匱方。春秋二時。龍帶精入芹菜中。人遇食之。爲病。發時手青肚滿。痛不可忍。作蛟龍病。服硬糖三三升。日二度。吐出如蜥蜴三二個便差。

明皇雜錄云。有黃門奉使交廣回。周顏謂曰。此人腹中有蛟龍。上驚問黃門曰。卿有疾否。曰。臣馳馬大庾嶺。時當大熱。困且渴。遂飲水。覺腹中堅痞如杯。周遂以硝石及雄黃煮服之。立吐一物。長數寸。大如指。視中鱗甲具。投之水中。俄頃長數尺。復以苦酒沃之。故以器覆之。明日已生一龍矣。上甚訝之。

聖惠方治小兒誤吞針。用磁石核大磨令光。鑽作竅。絲穿令含。針自出。

錢相公篋中療誤吞錢。以磁石棗許大一塊。含之立出。又方療誤吞錢。燒火炭

末服方寸匕即出。小品同。

姚氏食中吞髮繞喉不出。方以梳頭髮燒作灰服一錢匕。

劉禹錫傳信方。治蚰蜒入耳。以麻油作煎餅枕臥。須臾蚰蜒自出而差。李元滄尙書在河陽日。蚰蜒入耳。無計可爲。半月後。腦中洪洪有聲。腦悶不可徹。至以頭自擊門柱。奏疾狀危極。因發御藥以療之。無差者。忽有獻此方乃愈。

又治蟲豸咬傷。取大藍汁一碗。入雄黃麝香。隨意多少。研投藍中。敷患處即退。聖惠方。治飛蛾入耳。醬汁灌入耳即出。又擊銅器於耳旁。

葛氏治卒食噎方。取老牛涎沫如棗核大。置水中飲之。終身不復患噎。又外臺秘要治噎。羚羊角屑一物。多少自在末之。飲服方寸匕亦可。

譚氏小兒方。治蜘蛛咬。以葱一枝。去尖頭作孔。將蚯蚓入葱葉中。緊握兩頭勿曳氣。頻搖動。即化爲水。點咬處差。

沈存中筆談云。見蜘蛛爲十峰所螫。入草嚼芋梗微破。以瘡就嚼處磨之。人爲蜂螫者。按芋梗傳之。即愈。

星期徵稿選刊

大熱大渴大汗不止而脈實急長大按之不減者邪實也宜白虎湯體弱加人參若外証雖同而脈虛大按之輒散者宜如何治法辨

張汝濟

大熱大渴大汗不止而脈實急長大按之不減者誠邪實也。固宜白虎湯體弱加人參。若外証雖同而脈虛大按之輒散似祇一脈之差耳。而此一脈之差可決斷其症與白虎湯証之病源病情有天壤之別焉。夫白虎湯証之大熱大汗也。乃由內熱以蒸達於外。內外皆熱者也。其大渴也必喜冷飲。即熱飲亦多。其脈象浮中沉按之皆實急長大與浮按之有力沉按之無力者有異焉。若夫外証雖與之同而脈虛大按之輒散之証。乃由元陽虛極孤陽外越將脫之象也。其証身雖大熱而裏實寒。正是裏寒格陽於外。虛陽不斂。故大汗出不止也。口雖大渴却不喜冷

飲。即熱飲亦不多。脈象虛大。按之輒散者。浮按之似虛大。沉按之必甚無力也。然而沉部之下。骨際之間。正是脈之根氣發見之所在。其症外實內虛。上熱下寒。浮按之雖虛大。按之沉部之下。骨際之間。脈來必微。決斷大病全在根氣。知根氣之虛實。乃不至攻外之實而益內之虛。清上之熱而增下之寒。將虛症誤認為實症也。故散脈為元氣無根。極虛之脈。此症見之。是熱越皮膚寒在臟腑也。明矣。似此內敗真寒。不知求本。但知以白虎湯攻熱。則無不速斃矣。急當用大劑薑附湯加人參。或四逆湯加人參。以回其陽。再少加以鹹降收斂之品。冷飲直達下焦。引火歸元。使元陽漸回。則熱必退。藏而汗渴自止。所謂火就燥者是也。東垣治面赤煩躁。飲脈七八至。按之則散者。此無根之火也。用姜附湯加人參以補攝元氣。服之而愈。此其明証也。

辨証明晰論脈精確足知寢饋於斯道深矣 邱壽徵評

此題一則脈實急長大不減陽邪盛恐陰根之上竭也。一則脈虛大而散陰邪

盛恐陽根之下斷也。蓋亡陰亡陽証雖相似而治法截然。吳鞠通治太陰溫病，脈浮大而孔汗大出微喘，甚至鼻孔煽者，白虎加人參湯。脈若散大者，倍人參。此誤也。夫脈至浮芤，榮衛之氣已傷，兼之散大，則腎中龍雷之火，隨水上熾，陰氣瀰漫，陽氣虛飄不收。此時尚可用白虎助陰以泄陽乎？附識於此，願與諸同志研究傷寒熱病者一商之。又許此篇可與本期雜誌醫案門參看

仲景脈法寸口多與跌陽合診試詳言其意義並引証

以明之

薛復初

按素問氣交變大論云：歲木太過，風氣流行，脾土受邪，民病腹支滿，反脇痛而吐甚。衝陽絕者死不治。衝陽脈在足趺上，所謂跌陽者是也。又云：歲火太過，肺金受邪，民病少氣咳喘，脇滿骨痛。大淵絕者死不治。大淵動脈在手魚後，即所謂寸口者是也。攷古法遍診以決病。仲景書撰用素問九卷者，義取乎此也。再以金匱証之，義較明矣。例如水氣篇第二十六節云：寸口脈遲而濇，遲則為寒，濇為血不足。跌陽脈微而遲，微則為氣遲，則為寒寒

氣不足則手足逆冷。手足逆冷則榮衛不利。榮衛不利則復滿脇鳴云云。細味此節與旨。正與上述素問之旨。針鋒相對耳。再申其義而解曰。診得手太淵之脈遲。傷而瀉者。是藏府之氣血兼少。而外應于手臂之局部矣。診得足衝陽之脈微而遲者。是胃腕之陽氣不足。而外應於足膝之局部矣。寸口跌陽兩部所據之診斷。必假榮氣之灌注流通。始能充膚熱肉。衛氣之行於四末。留止關節。始能寒溫適宜。故陽明所出榮衛之氣。若流溢于中者不利。則腹滿腸鳴骨疼不仁諸症並作。其布散於外者不利。則手足逆冷身冷惡寒諸症蜂起。要之手太陰之寸口。足陽明之跌陽。兩不相得而天地否。是手足逆冷又爲其獨徵也。但得清陽實于四肢。濁陰歸于六府。胸中之大氣豁然一轉。斯宗氣榮氣衛氣三焦通會。元真通暢。而水道決。病氣若失矣。仲景脈法之意義。無不昭合經旨。其合診於寸關尺三部者。當知反其所向矣。

爰經論證不蔓不支解其意義亦中肯綮

劉慎
九評

針灸討論會治法選刊

黃瘧證

張錦榮

病狀 初起時。身體沉重。乏困。不嗜食。常欲貪臥。兩目先黃。漸及身面。小便俱黃。脈洪數者。爲實症。微瀼即爲虛弱。色如薑黃色。而發明亮者。曰陽黃。色暗者。曰陰黃。若由漸變黑如烟塵者。不可治。小便如膏者。不可治。

得病之原因 由溼熱而成。溼熱之因。或由於大醉。大飽後貪睡。與努力行房。或醉飽後入水洗浴。寒氣斂束。遏鬱腠理。汗不得出。以致溼氣不能發泄。則鬱蒸而生熱。熱氣不能宣暢。則固結而生溼。溼熱相感。而薰蒸。故色黃而成瘧証。臟腑經絡中之病理 其証多屬太陰脾。陽明胃。太陽膀胱。少陰腎。四經爲病。以食入于胃。游溢精氣。上輸于脾。以灌周身。若脾胃不和。穀入而胃之精氣不能輸之于脾。而脾亦不能爲胃行其津液。故鬱滯而生溼。溼從熱化。而致黃。又腎

與膀胱相表裏。以腎陽虛憊膀胱不得化氣。則溼熱無由而出。亦能致黃痺。

鍼灸用法及穴名 三里屬陽明胃經。在膝下外廉三寸兩筋間。按之則趺上動脈即止。舉足取之。商邱屬足太陰脾經。在足內踝下微前陷中。居中封照海之中。湧泉在足心陷中。屈足捲指宛宛中。白肉際是穴。跪取之。上腕在巨闕下一寸。即臍上五寸屬任脈。○商邱湧泉俱針三分。三里上腕俱針八分。陽黃俱用吸氣轉針之瀉法。陰黃俱用呼氣轉針之補法。

鍼灸後用藥 針後隨用老絲瓜連子燒存性爲末。每服三錢。審係穀痺用茵陳神麴湯送下。酒痺用酒煎茵陳送下。女勞痺用滑石枯明礬湯送下。痺已日久脈虛者。用茵陳大棗湯送下。若係陰黃。用茵陳附子乾薑湯送下。針後二三日。黃即漸退而愈。務宜謹攝起居。樽節飲食。勞動適宜。保養元氣。○因穀致痺。食即頭眩。曰穀痺。因酒而致腹滿欲吐。曰酒痺。因努力行房。而致少腹急。額上黧黑。微汗。曰女勞痺。以痺證色黃。故總名之曰黃痺。

第六期廣告

一百十四

郁氏藏板宜稼堂叢書兩巨名著預約廣告

上二種書久為藏書家所珍貴顧海內絕少傳本茲為流通古籍應世需要起見特將家藏原板精印各百部發行預約幸海內文學醫學藏書各家盍早來訂勿失良機叢書六十四冊鈞元十巨冊均用上等中國連史紙耿絹包角銀杏夾板裝訂古雅精美定價叢書三十二元鈞元九元預約一律照碼七折一次收足隨發預約券本埠夏歷五月底外埠六月底截止閏五月底出書憑券取書郵費加一

上海小南門內東喬家濱口一號郁志甘啟

醫書出售廣告

周氏簡易方集驗方合刻 洋四角郵費三分 集驗方續編 洋二角郵費二分半

以上三種搜羅近時驗方內分八門爲醫病二家必備之書 惜分陰軒醫

案三冊 洋九角郵費三分 全書用筆記體衛生家亦可備覽 以上購時用郵

匯最妥或用一分郵票代之九五通用 無錫西門外棉花巷周小農醫室啓

徵求新驗方廣告

如有新驗之方錄寄無錫西門外棉花巷周小農收佳者酌贈方書 急救之

方如一切時疫腦髓脊膜炎紅皮瘟嗎啡解救方更爲歡迎

送書廣告

臨產須知孕婦必備之書胎產要方頗備後載牛痘宜忌開明姓氏住址索閱

郵票三分 集驗方撮要內分六門方選九十郵票二分半 (地址同前)

周小農啟事

第...期廣告

第八期 廣告

一百零六

各省同道諸公均鑒 鄙人曾經介紹山西醫學雜誌先贈壹期如諸君見有未定購者即勸將該醫報轉介別友或逕行郵還原處體諒報社缺少報冊為難應當如是(如閱或多寄亦應郵還)又有欲試閱者函囑介紹即請函付郵費自行接洽如不附郵費空函不復再者本人無經手銀錢責任卸絕代派居間保證等關係恐各人誤會特此預白



中華民國十二年八月三十日出版

編輯兼發行所

山西太原省城新民街即精營東二道街北首門牌第一號
中醫改進研究會

信實進取愛羣

一 意 注

本雜誌每兩月一冊全年六冊第一冊概係奉贈不取價值惟經費不充由第二冊起酌收價值列表於下如有閱訂者函達本會照寄

表	目	價	
零	半	全	
售	年	年	
一	三	六	
冊	冊	冊	
大洋一角五分	大洋四角	大洋八角	
費郵	費郵	費郵	
一分半	四分半	九分	

二 意 注

本雜誌為提倡醫藥學起見凡有著名醫家及經驗良好藥品願登廣告者列表於下

目	價	告	廣	
四	半	全	頁	價目
分			數	
之				
一	頁	頁		
大	大	大	兩	月
洋	洋	洋	一	期
一	二	四	半	年
元	元	元	三	期
大	大	大	全	年
洋	洋	洋	年	六
二	五	十	全	年
元	元	元	年	六
大	大	大	全	年
洋	洋	洋	年	六
三	八	十八	全	年
元	元	元	年	六
			期	